

民國二年

劉記
小說
樓霞閣
野乘

中華圖書館發行



189586



北师大图 B2349858

棲霞閣野乘卷六

記趙舒翹之軼事

光緒庚子五月拳禍作。六月聯軍集大沽。時端王慶王榮祿剛毅趙舒翹皆值軍機。大沽失守後。孝欽召見軍機。傳諭單叫起。問戰守之策。首端王力陳戰。利。次慶王請聖明決斷。依奴才愚見。則和利。次榮祿力陳和利。次剛毅力陳戰。利。最次爲趙。奏對最久。有不如先戰。戰北再和。亦未爲遲之語。且謂現在大軍會集京師。各省勤王之軍。亦將到。即使戰敗。外人亦決不能長驅直入。慷慨激昂。語極動聽。孝欽意遂決。卒致兩宮西狩。趙亦賜死。至今論國是者。追原禍始。猶嘆息痛恨於趙之一言。幾喪邦也。然趙自鳳陽府洵升刑部尙書。歷任皆有聲。客有自皖公山來者。爲言趙守鳳陽時之遺事甚悉。於捕治蠹胥。衛虎事尤稱頌。不置。先是某縣東西鄉有甲乙二姓者。家富百萬。各爲一鄉冠。甲有女許字

乙子年及笄矣。以迷信甚深，婚期屢阻。乙憾之，自擇一日，謂再愆期者當爲其子別娶。甲懼，乃親送女于歸。兩家相距數十里，而遙時值溽暑，中道已疲乏。不勝。天復驟變，雷雨大作，乃休於一古廟而息。會他家亦有迎娶，遇雨而入廟，暫避者兩家。新嫁娘各出輿坐，憩。驀聞槍聲驟發，識爲盜警。倉猝間，燈火盡熄，昏黑中乘輿竟去。甲以疾作，先返。比甲女至乙家時，乙父正衣冠延客，女突於輿中躍出，大聲詬厲，出利刃刺乙父。斃旋亦自刎。新郎見釀禍奔縣呈訴。翌晨而女尸竟失所在。於是縱女弑翁移尸圖賴之罪，甲百口不能自辨。爰書一定，秋決。且有日矣。顧兩家雖因婚期事稍齟齬，初無宿怨，致相殘殺，理且移尸之舉亦疑。莫能明甲僕某老而任俠，微行四訪，竟得女於盜船中。蓋女在古廟中誤登他人輿，而此娶婦者非他，卽著名之蠹胥衛虎是。虎盤踞公門數十年，擁資鉅萬，梟匪盜賊皆往來其門下，權勢薰天，邑宰亦懾其名，不敢問。顧無子，瞰佃

人之婦美強奪之婦矢必死預囑其夫遠颺避禍既與甲女誤登彩輿入門見衣冠而主人者卽手刃之初不知其誤殺也虎見甲女知爲誤投以美勝於婦大喜勸之。不從強之。不可脅之。以刃不爲動。既審知婦刃乙父事急使其羽黨深夜移尸滅迹而扁女於別室。至是擬載往他處貨作錢樹子。乃適爲甲僕所得。因偕奔至縣。爲其父鳴冤。且訟虎之暴橫。詎邑令已先入虎言。轉誣女爲行刺。私遁下諸獄。榜掠無算。甲僕忿甚。赴府控告。而令不知也。一日令強女畫供。不從。將治以一品衣之極刑。一品衣者以鐵片作衣烙火成紅色。而加諸囚身。痛等凌遲。慘逾炮烙。一用而囚無不屈。供問官。可因是高遷故名之。曰一品亦虎新發明之利器也。方威逼間有人報郡守。至驚愕。問趙已入笑謂老兄大忙。今日姑由兄弟代理案件。何如。登堂數語卽釋。甲父女并愷切勸諭乙子。甲女賢淑服闋後必仍娶爲室。旋械繫衛虎返署。明日而邑令去。任委人代理矣。虎

入獄後堅不署諾且百計請托官紳爲之說項者日凡數至趙預計其數一度請托則掠虎若干一夕夜半坐堂皇答虎臀數千虎惘然不解所以則是夜趙宿寵姬處姬言及衛虎兩字也後趙卒以是去鳳陽而先一日虎已瘦斃獄中闔境頌神明焉趙治此獄殊有風節

管韞山之論詩

管韞山爲時文大家詩名爲文所掩嘗讀其集中論詩之語有極雋妙者謂五言古詩琴聲也醇至澹泊如空山之獨往七言歌行鼓聲也屈蟠頓挫如漁陽之怒搗五言律詩笙聲也雲霞縹渺疑鶴背之初傳七言律詩鐘聲也震越渾鏗似蒲牢之乍吼五言絕句磬聲也清深促數想羈館之朝聞七言絕句笛聲也曲折繚亮類羌城之暮吹

陸春江之受眷

陸春江中丞初官上海縣。任滿以道員召見。孝欽后問曰：聞人言汝在上海做官名聲頗好。洋人交涉都狠得法。到底怎樣？對曰：臣在上海遇有洋人交涉。臣不去欺他。却也不去怕他。孝欽大悅。嘗告樞臣陸元鼎。辦事我可以放心。由是而監司方伯不十年而撫三吳。人見其端。謹持重粥粥。若無所能而不知其受眷實有由來矣。

王西莊自掩其貪

王西莊未第時。嘗館富室家。每入宅時。必雙手作攫物狀。人問之曰：欲將其財。旺氣攫入己懷也。及仕宦後。秦倭楚誣。多所乾沒。人問之曰：先生學問富有。而乃貪吝不已。不畏後世之名節乎。王曰：貪鄙不過一時之嘲學問。乃千古之業。余自信文名可以傳世。至百年後。口碑已沒。而著作常存。吾之道德文章。猶自在也。故所著書多慷慨激昂語。蓋自掩其貪也。

祁文端門生問補服

祁文端公在京時。忽一甘肅門生至。怪其無故遠來。姑出見之。所著衣冠甚古。且綴補於袍上。公因問其緣何來。此曰。因緣例得服知縣品服。未識今所用。當否。以鄉中人不能決思。不如入都詢問老師。較爲有據。文端審視之。果七品服也。曰。是矣。又問。是否綴在袍上。文端忍笑告之。曰。應綴在外套上。此人謹受命辭而去。文端念此人以小故遠來。良可念。命僕封四金。至旅店饋之。則此人已行矣。若此人者。真可謂太古之民也。

查明回報

德清蔡尙書啓儼。康熙庚戌狀元。公車入都。山陽令某。公同年也。往拜之。名紙既投。令於紙尾制曰。查明回報。蔡大怒。去。明年及第。書一絕於扇。寄之。曰。去年風雪上長安。舉世誰憐范。叔寒寄語山陽賢。令尹查明須向榜頭看。令大慚。百

計修好焉。事見漁洋山人池北偶談。後蘇州彭大司空啓豐。雍正丁未大魁。假歸。偶有糧欠。吏以公名申縣。遽差票追納。真書公名。以朱點之。公以詩貽令。有自從御筆親題。後又被琴堂一點紅之句。令大窘謝。事頗相類。是二令者可謂無獨有偶矣。

季亢二家之富

江南泰興季氏。與山西平陽亢氏。俱以富聞於天下。季自滄葦以御史回籍。後尤稱豪侈。其居繞牆數里。中有複道。週巡健兒執鈴柝者共六十人。月糧以外。每夕犒高郵酒十甕。燒肉三十盤。康熙九年霖雨連旬。恐霉氣侵漉。命典衣者曝裘於庭。張而擊之。紫貂青狐銀鼠金豹舍利猴之屬。脫毛積地。厚三寸許。蓄伶甚衆。又有女樂三部。稚齒韶顏。服飾皆值巨萬。開謙賓筵。更番佐酒。珠冠象笏。繡袍錦靴。及笄或自納。或贈人而驕。憇之態。未能盡除。日至高春。晨睡方起。

即索飲人參龍眼等湯梳盥甫畢已向午矣製食必依精庖爲之乃始下箸食後輒按牙歌曲或吹洞簫一闋又復理晚粧尋夜宴故凡娶季家姬者絕無聲色之娛但有伺候之煩經營之瘁也有修撰某得其一姬涕泣廢飧爲弗若其主家廝養乃遣之亢家園在山西平陽城外中設寶座蓋康熙時嘗臨幸焉園大十里樹石池臺幽深如畫婢媵皆作吳中裝束相傳亢先世得李闔所遺輜重起家康熙中長生殿傳奇新出命家伶演之一切器用費鏹四十餘萬雍正末所居火凡十七晝夜珍寶一空今則蕩然無人園亦鞠爲茂草矣

江良庭之篆字藥方

蘇州江良庭先生聲精小學善篆書兼知醫理性奇癖嘗爲人開藥方輒書篆字藥肆每致錯誤先生怪之或曰藥肆人不識篆字無怪其誤先生恚曰不識篆隸那便開藥肆耶迂癖如此真可謂不達世情者矣

河工之積弊

南河歲修銀四百五十萬。而決口漫溢不與焉。浙人王權齋熟於外工。謂採買竹木薪石麻鐵之屬。與夫在工人役一切公用費帑金十之三。二可以保安瀾。十用四。三足以書上考矣。其餘三百萬。除各廳浮銷之外。則供給院道應酬戚友饋送京員。過客降至丞簿千把總胥吏兵丁。凡有職事於河工者。皆取給焉。歲脩積弊各有傳授。築隄則削浜增項。挑河則墊畦貼腮。買料則虛堆假垛。卽大吏臨工查驗。奉行故事。勢不能親發其藏。當局者張皇補苴。沿爲積習。上下欺蔽。瘠公肥私。而河工不敗不止矣。故清江上下數十里街市之繁。食貨之富。五方輻輳。肩摩轂擊。曲廊高廈。食客盈門。細穀豐毛。山腴海饌。揚揚然。意氣自得。青樓綺閣之中。鬢雲朝飛。眉月夜朗。悲管清瑟。華燭通宵。不知其幾。十百家也。梨園麗質。貢媚於後堂。琳宮緇流。抗顏爲上客。長袖利屣。颯沓如雲。不自覺。

其錯雜而不論也。

某縣丞稟辭

軍興以後。直省候補人多。缺少事稀。貧苦不堪言狀。一日有縣丞某求見方伯。稟辭。號吏曰。非期也。不爲通報。某曰。我有公事。不見則今日死。於是號吏大驚。白諸闈者。而見之。方伯曰。君有何事。稟辭將何往。某曰。將往陰司。方伯亦詫曰。何至於此。曰。某自到省伺候大憲者十數年矣。無缺無差。父母凍餓。兒女啼號。除死更無善策。又慮身死而大憲終不見知也。敢辭。方伯曰。勿爾。吾且贈君二十金。暫爲糊口。以待差事。越三日。委以優差而去。

記某伶事

某伶者。色藝工絕。游於陝。陝尙秦聲。無解南音者。困甚。無所得衣食。時某部爲秦聲冠。不得已投焉。部中人共挪揄之。亦不甚。令登場。會撫署。譙方伯。某部當

值屬僚咸集。方伯者平陽中丞也。數折後。厭秦聲。問有能岷曲者否。部中無以應。某伶獨趨進。自承曰。能。曹長愕然欲止之。則堂上已呼召某伶矣。登堂請命。甫一發聲。平陽色喜滿座。傾耳聽歌。一闋平陽曰。止。笛板工尺相左。他樂器亦無一合者。是烏足盡。所長趨呼藩署家樂和之。使演掃花一齣。伶既蓄技。久思欲一逞。又多歷坎坷。憤鬱無所洩。至是乃盡吐之。瀏離頓挫。曲盡其妙。平陽不自覺其神奪。而身離於席也。平陽號知音。舉座見傾倒。如是莫不嘖嘖稱羨。曲終。自撫軍以下。纏頭以千計。明日某伶之名噪於長安。部中人承順。惟謹。已持平陽書入都。都下貴人爭愛賞之。宴集非某郎不歡。由是名益著。閱數歲。平陽擢陝撫。冒賍事發。被逮下刑部獄。家產籍沒。眷屬羈滯京邸。衣食不給。終日相對慘怛。忽一蒼頭問訊而至。言主人命。致意已爲夫人。覓得一安宅。趣呼輿馬送。至則屋宇精美。米薪器用。下至箕帚之類。一一完好。顧不知主人爲誰。時平

陽。已。論。大。辟。繫。獄。久。生。平。故。舊。無。一。左。右。之。者。一。日。晨。起。突。有。人。直。至。繫。所。哭。拜。不。能。起。視。之。則。某。伶。已。去。其。業。居。京。師。作。富。人。夫。人。宅。即。所。置。也。於。是。即。獄。中。置。酒。復。爲。平。陽。歌。掃。花。齣。甫。半。闋。平。陽。大。哭。即。止。不。歌。而。相。對。淚。下。如。縷。糜。自。是。朝。夕。至。視。寒。暖。調。飲。食。有。甚。於。孝。子。之。事。親。者。棄。市。日。具。棺。槨。厚。斂。之。送。其。槨。與。妻。子。歸。里。又。卹。其。度。日。費。度。足。用。乃。止。後。不。知。所。終。天。下。惟。知。己。之。感。沒。世。難。忘。若。平。陽。者。僅。足。知。某。伶。耳。八。百。孤。寒。齊。下。淚。一。時。回。首。望。崑。州。嗚。乎。彼。何。人。哉。

吳卿憐

頃見吳卿憐感遇詩。詢其始末。不得。第聞卿憐吳人。善歌。能詩。詞色藝兼勝。平陽中丞得之。寵倖備至。所云色。即是空空。是色。卿須憐我。我憐卿。爲吳賦也。平陽旣敗。流轉歸和相。和又嬖之。感遇詩。即詠和事。顧其有馬上王嬙玉笋敲殘。

等語和雖籍沒眷屬未嘗流徙當時薩彬圖承命查辦請鞫使女朝廷降旨切責初無刑及婦女之事詩述十年中驚魂駭魄遷徙流離之苦花悲月慘涕淚沾衣意固何所指耶卿憐屢擅專房寵不能一死報主遜墮樓人遠矣然自古才色絕世之人遭遇艱難所歸輒敗往往而然薄命耶禍水耶天既賦之以麗質而又使不得其所抑獨何哉平陽名位雖不終既得某伶感恩又爲卿憐知已嗚呼死而有知可以自娛矣

天下大師墓

京師西山天下大師墓朱竹垞以爲是房山僧塔後人附會之爲建文帝墓也清初沈方舟用濟詩云曾聞近蹟入禪關身似浮雲到處閒解道龍蛇潛草野何年弓劍傍橋山緇衣那有中官識御馬誰迎老佛還一自櫻桃無薦地肯留青樹在人間曰曾聞曰解道曰那有曰誰迎曰肯留皆故作疑詞以著致身從

亡。隨。筆。等。書。之。僞。真。詩。史。之。筆。也。方。舟。又。有。詠。思。陵。句。云。一。劍。割。將。公。主。愛。九。門。報。道。寺。人。開。語。極。悲。莊。

王蘊齋夫人之拘執

北人王蘊齋。曾爲兩淮草堰大使。其夫人性拘執。有大可矍者。慕古人相見如賓。義與其夫旦夕相與。如外賓酬酢。少生二子。以爲男女居室。旣至穢。且足戕身。年三十。即斷欲。與夫對室居。每清晨起。必子婦親侍櫛沐。妝竟。出至中堂。俟夫起。盥洗。訖。分庭偕坐。子若婦立。伺兩側。僕媪進茗。寒暄數語。子若婦親進早餐。相與對食。訖。率子若婦送其夫出前庭。治事。及中門而後返。迨晚。其夫治事竣。按時入。必率子若婦恭迎於中庭。復偶坐几上。設洋燈二。進茗。子若婦侍如故。相慰勞。進晚餐。食罷。略論家事。及二鼓。乃徐謂其夫曰。晝日治公。宜請早將息。否夫必謙謝曰。時尙早。略談無礙。少選。乃親啓執燈。送夫至寢室。相對少坐。

夫亦起送之歸寢復少坐則又親送夫回子若婦均隨侍焉略話俄頃夫力請其歸寢始率子若婦返室又訓以家事久之乃令子若婦去而後臥常年如一日其夫爲鹽官時已均五十餘夫以其如是拘執也苦之遂以同室居置少妾吸阿片三事請聽其擇而許一焉乃籌計再三僅許以吸阿片而同室居置妾均不願也初婦各產一男卽令子與婦異室居且監之嚴以爲男女配偶原爲宗嗣計既得子矣至仍同室居男既有礙於學女亦有碍於工不可也會冢婦歸寧子同舟而往少年夫婦久曠忽逢因而復妊及歸不敢以聞迨產又一雄也始報之知乃盛怒赴產室飭婦佻儇而重辱之婦不堪其恚自經死弗悔也未幾次子復送婦歸省亦於舟次懷妊鑑於冢婦之難歸挽親知訴於父相與合謀婦將彌月其夫先密函告其家設辭迎之歸俟婦產後而後還並使人密語其婦謂姑性如是縱有挫辱無介介也傳者止此後不知其究竟

杜生軼事

杜生名衡。字子牧。桐邑世家子。生而頽。廣額。頽頽而下。小削目。瞳清熒。骨爽氣俊。江浙。敝俗。紈袴子弟。出必鮮怒。錦衣狐裘。儻於車上。童子駢肩而隨。短髮鬢鬢。覆額。角效婦女裝。生見之。輒內愧。肉動豪礫。障面去。惟恐浼。居恆敝衣布履。與諸少年頽頽遊。遇貴人。則欠抑。唯諾。陽矜。不敢言。衆以爲是生也。寒酸。不上人眼。意輕之。生乃快。或坐。客小覺。則拂衣疾趨。出挽之。逝矣。性嗜書。博極典籍。能跳梁於翰墨間。有才。致客非韻。斥門者。不入。入必割炙。或淪茗。縱談天下事。談既酣。輒徹夜不寐。寐往往庭前。月落屋下。雞鳴。猶聞鼓琴落子聲。或醉而嘯者。至是四方之客日益至。子牧恢張心胸。厚往薄來。故雜賓亦稍稍得進而未幾。芸娘之事起。芸娘者。妓女也。以風態擅名。慷慨言笑。自題女俠。與子牧一遇於武林。目成久之。退而執手。嘆曰。吾兩人得死所矣。君勝情拔俗。妾亦俠氣。

籠霄他日枕骨而葬西河之濱誓令墓中紫氣射爲長虹羞作酒脯女兒下指鴛鴦上陳雙鵠言次嗚咽衆驚其不祥而二人之情乃益膠結不可解嗣後淹繫旬月無復顧禮廢輟家政毀頓精神家人既刻責之而諸客中復有具其罪狀布諸廣衆者子牧爲兩方所激若圓石遇坂轉觸轉下勢不得不與俱盡會太守窘芸娘出辱之庭子牧忍愧以身左右翼多卑詞太守徘徊不令下鞭然終不許生以一妓女自詘判賣芸娘爲賈婦生佯許而陰使人贖山西賈得之以藏於別室俄載而與俱長安居長安不三月子牧病肺死芸娘亦不哭敕家人裝其喪歸而以身從既入舟忽忽微嘆間雜吟笑若無意償生者至江心命具浴浴罷更衣左手提子牧宣和硯右手提棋楸一躍入水左右驚視不能救初見髮二三尺許浮沉旋瀾中已復颺起紫衣裾半褶復轉睫間而芳魂渺然與洛神爲伍矣

端午橋好爲聯語嘲人

端午橋最好爲聯語嘲人。其官工部時。同官有趙有倫者。京師富家兒也。目不識丁。以其身張翼之。援入貲爲郎。不數年。歷得要差。且充會典館纂修。常以千金購一妓歸。大婦妒。甚立驅之。出趙不得已。賃別舍居之。婦知其謀。乃斬趙自由。出門歸少宴。輒詬。諱不已。趙甚苦之。一日與端相遇於署中。端呼與語曰。菊會(趙字)吾昨日偶作一聯。一額君試爲吾評。鷺之聯云。一味逞豪華。若非暗地弓長。未許人稱富有千金買佳器。除是明天絃斷方教我。去敦倫額曰。大宋千古趙極口稱贊不已。出遇人猶爲人述之。似自詡其通文者。人匿笑之。弗顧也。靈石何潤夫。乃瑩庚子歲官副憲。以拳匪頭目革職。戊戌入股之復。何所奏也。何本庚辰庶常。散館改部。籤分工曹。夫人某氏。閨威甚厲。以何失翰林。怒甚何長。跪以謝。乃得釋。既入工部。贄百金往拜。滿尙書某爲師。某嫌其菲也。怒斥。

之端爲撰一聯曰百兩送朱提狗尾乞憐莫怪人嫌分潤少三年成白頂（庶吉士七品金頂改部屬則六品須換白頂）蛾眉構釁翻令我作丈夫難額曰何苦乃爾又妻爲翠喜乾姑嫂兒是朱綸表弟兄之聯亦端所撰也

何故山右世家而生平恥爲晉人常自詭爲江蘇人與人言必操蘇語一日在某處宴會座有蘇人某就詢籍貫何答曰江蘇某欣然曰同鄉也詢至蒲州楊編修天麟霖楊應聲曰吾與何前輩同籍某曰然則亦同鄉也楊搖首曰不然吾本老西何前輩亦老西渠不願居老西之名故每冒貴省人耳實則渠足跡未嘗至大江以南也何愧甚面頰俱頰然又無可置辯亟匆匆上車遁去

戊戌政變後端亦極自危賴進勸善歌得免且獲擢陝臬其事人人知之端尙有一詩亦詠此事詩云誤矣公羊學危哉死鹿音側聞誅正卯誰實縱僉壬智識羞葵足劬勞感棘心朝廷故可改寇盜漫相侵人稱其屬對之工然音字去

聲。係蔭之通假字。詩作平聲用。不惟失黏且出韻矣。

吳白華之賭飯

乾隆時吳白華侍郎素善飯。有宗室某將軍亦善飯。與齊名。一日侍郎謂將軍曰。夙仰將軍之腹量。可以兼人。若某者。雖非經筭之便。便至於酒囊飯袋。略有微長。但不知孰爲優劣耳。請一決勝負。如何。將軍笑應之。侍郎命左右持籌。侍側。每噉一碗。則授一籌。飯罷。數之。將軍得三十二籌。侍郎得二十四籌。侍郎不服。約明日再賭。將軍笑曰。敗軍之將。尙敢戰乎。侍郎曰。明日與君白戰。不許持寸鐵。只設飯。而無殺。若再不勝。願拜麾下。於是復計籌而食。將軍食至三十碗而止。侍郎竟得三十六籌。

陳建陞都督義馬記

道光辛丑。英兵寇廣州。都督陳建陞戰死於沙角砲臺。坐下馬爲英軍所得。飼

之。不。食。棄。之。悲。鳴。而。死。三。水。歐。陽。雙。南。爲。賦。義。馬。行。云。有。馬。有。馬。公。忠。馬。忠。公。心。唯。國。馬。心。唯。公。公。殲。羣。醜。馬。助。公。鬪。羣。醜。傷。公。馬。馱。公。走。馬。悲。馬。悲。公。死。安。歸。公。死。無。歸。馬。守。公。屍。賊。牽。馬。怒。賊。飼。馬。吐。賊。騎。馬。拒。賊。棄。馬。舞。公。死。留。鏐。馬。死。留。髀。死。所。死。所。一。公。一。馬。今。之。人。覩。然。衣。冠。而。甘。爲。紫。髻。碧。眼。之。奴。隸。者。愧。此。馬。多。矣。

板橋圖章

板橋圖章。皆出沈凡民鳳高西園鳳翰之手。如板橋道人。如十年縣令。如雪浪齋。如鄭大。如爽鳩氏之官。如所南翁後。如心血爲鑪。鎔鑄古今。如然藜閣。如所好在六經。如畏人嫌我真。如恨不得填滿了普饑債。如直心道場。如思貽父母令名。如乾隆東封書畫史。如灘夷長。如鷓鴣。如無數青山拜草廬。如私心有所不盡鄙陋。如揚州興化天。如變何力之有焉。如榜散。如以天得古。如老畫師。如

敢徵蘭乎。如七品官耳。皆切。姓切。地切。官切。事。又有云康熙秀才雍正舉人乾隆進士亦別開生面。近見某太史仿其意刻一章云院試第一。鄉試第二。殿試第三。則不特牽強湊合。且競競然惟以科名爲榮。益覺俗不可耐矣。

吳大嫖再住九天廟

皋蘭吳柳堂侍御少時頗倜儻。好狎邪遊。不修邊幅。初計偕入都。日遨遊北里中。會試被擯。乃留京候再試。實則戀某妓不忍言別也。數月後資漸罄。其座師某公勸使出城。僦居九天廟。謂地僻遠。城市可一意讀書也。（九天廟在廣寧門外爲關中會館公產）侍御從其言。襤被往。甫三宿。鬱鬱不自得。俄然起曰。人生實難。何自苦如是。卽日入城。仍宿其妓所。久之金已盡。妓亦稍不禮。之漸至。衣食不給。鄉人士始資以金。而要以仍居九天廟。否則不與。金侍御不得已。始怏怏去。都下人皆呼侍御爲吳大嫖。初京師翰部向推四喜三慶。咸豐中葉。

四喜漸不振。諸伶謀散去。余三勝自江南歸。乃悉囊中金。重新之。都人爲譟。聯曰。余三勝重興四喜班。而難其對。至是或曰。得之矣。則吳大嫖。再住九天廟也。

樓霞閣野乘

卷六

二十四

霞閣野野乘卷七

歸奇顧怪

清初崑山歸莊與亭林齊名時有歸奇顧怪之目後華亭陸曠工畫與同里嚴載齊名亦稱陸癡怪蓋士大夫浮沈里閭其制行稍岸異者未有不使流俗人魚鱗鵝睨者也

孫奇逢

容城孫奇逢講學夏峰四方才俊留門下請業者廊廡爲滿湯文正以監司乞養歸方授徒梁宋間孫名造門問道執弟子禮甚恭讀書十年復出篤志謙光非可望之今世士大夫也

士大夫之踵事增華

京朝士大夫輿服之侈踵事增華有加靡已庚子以前什九皆雇車貧者則徒

步入署。今則無不自養車者。且車前無不有引騎者。而各部丞參及紅司官。殆無不車馬矣。昔道咸時。雖兩書房翰林亦止一車。僕人跨轅。以從未常獨騎。涇陽張文毅在南書房供奉。典試江南歸。謁王文恪於祠。厲文恪送之出。至門外。一俊僕牽健騾侍車旁。詫曰。君何處得此俊物。文毅對曰。江督某公所饋耳。文恪太息曰。少年狂妄。不顧而入。文毅媿汗。木立移時。始登車去。閻文介由東撫乞休。僑居運城。其中表弟李某。故富家。以鹽官需次河東。一日往見文介。適以三百金購一騾。令其僕騎之。以從。文介送至門。駭問曰。君駕車之騾。以若干金購之乎。對曰。二百金。文介駭然曰。君何昏瞶至此。乃以二百金買一騾。騾某力辨。非瞽文介。徐曰。審非瞽者。車前何須又用一騾導之耶。拊掌大笑而入。

湯文正之潔己奉公

湯文正公斌撫吳瀝任時。夫人公子皆布衣行李。蕭然如寒士。日給惟菜。韭公

一日閱簿見某日市雙雞愕問曰吾至此未嘗食雞誰市此者僕以公子對公怒立召公子責之曰汝謂蘇州雞賤於河南耶汝思陷雞便可歸去世無有士不能咬菜根而能作百事者并笞其僕而遣之又公撫吳時有司報湖蕩有蓮芡公駁還吏固以例請公曰例自人作寬一分則民受一分之惠且蓮芡或不歲熟一報部卽爲永額欲去之得乎常熟某氏奴訐告其主國初時得隆武僞筭迫主遠遁欲據其主母公曰國家屢更大赦此草昧事何足問而逆奴乃以脅其主乎焚其筭斃奴於杖下中外快之近時頗有人詆文正諸人爲僞學者使士大夫人人如湯之潔己奉公又何致天下事不可收拾哉

記雛伶楊花事

楊花長安伶也年十四時江右孝廉徐某以太挑試用長安一見目成以三百金售焉踰年教匪起徐捧檄催糴糧運楊花能左右之畜青騾一日行三百餘

里常乘以從。丁已寇亂。方熾。徐催運至邵陽驛。猝遇高均德股匪。楊乃教徐僞作賊探馬狀。持箭乘青驪逸去。楊乃下馬住館舍。賊目有識之者。謂楊掌班。聞已跟官。何忽在此。答曰。吾代主催餉。俟此數日矣。賊目顧其黨曰。聆其言。似餉尙未來。且遇舊知。今晚當留此。卽置酒聚飲。令楊歌曲。楊略不抗拒。盡獻所長。且流目送媚以醉。賊目度已沈酣。猝掣賊佩刀刺之。應手而中。賊黨驚羣起。忍之賊亦敗。興遼巡委去居人重其義。築土葬之。拊碣曰。義伶楊花救主處。孟九我廷煇曾爲作記。並寫楊花救主圖。雲間許元仲作長歌記之曰。詩人孟浩然。示我楊花傳。爲寫楊花救主圖。貞心俠骨千秋見。每從花底說秦宮。幕底青油。變態工自向。梨園傳艷節。不教斷袖沒英雄。楊花舊隸華林部。小隊梁州按歌。舞垂楊婀娜。不禁風落花飄泊。還無主破鏡。徐郎意氣豪量珠。携得鄭櫻桃。當筵獨譜秦風壯。倚帳同看塞日高。一朝忽唱從軍樂。細馬馱來增綽約。射虎晨。

隨繡纛馳飛鳴暮逐金丸落那知記室走孤城正值風高夜劫營子弟八千人
散盡眼前惟見賊縱橫可憐生小嬌無力手挽徐郎出荒驛牽到青驪讓主騎
幸郎得免儂何惜戰場生縛獻訶摩千隊樓羅一笑譁滿面怨愁雙雨淚爭教
掩得貌如花軒眉嘖目呼狂賊身墜片泥心白璧只願魂依厲鬼確久拚血化
萋宏碧嘆魚無情渭水寒弔花鴛冢淚闌干憐他捍刃真情種殉主還輸脫主
難君不見如荼如火軍千屯望塵拜寇何殷勤國殤獨有汪錡在一片楊花氣
薄雲。

梅巧玲軼事

梅巧玲字麗芬慧仙貌極豐艷演青衫花旦皆極盡能事工漢隸略能詩畫內治
有某太史者故世家子以揮霍傾其貲極眷巧玲常負巧林債二千金未能償
以病卒僧寺中其同鄉某君者爲折柬召諸鄉人集殯所謀集貲送其喪諸鄉

人。各。道。貧。苦。無。肯。先。下。筆。者。日。晡。所。集。不。及。百。金。某。君。舌。幾。敝。矣。忽。門。者。報。巧。玲。至。諸。人。相。顧。愕。貽。曰。是。殆。爲。索。逋。來。歟。彼。若。見。吾。輩。贖。贖。狀。或。卽。向。吾。輩。索取。可。若。何。言。未。竟。巧。玲。已。素。服。入。哭。盡。哀。移。時。始。輟。涕。向。諸。人。曰。太。史。生前。常。負。我。二。千。金。今。既。亡。矣。母。老。子。幼。吾。尙。忍。言。舊。債。耶。卽。出。券。懷。中。向。樞。前一。揖。就。燭。焚。之。徐。又。出。一。帑。授。某。君。曰。聞。太。史。喪。歸。尙。無。贖。謹。贖。金。二。百。爲。執。紼。之。助。恨。所。操。業。賤。未。能。從。豐。以。報。知。己。耳。語。畢。拭。淚。而。去。諸。人。者。乃。相。顧。無。人。色。巧。林。卒。於。光。緒。辛。巳。壬。午。間。生。平。以。姓。梅。故。酷。嗜。梅。葬。於。京。東。某。村。墓。上。樹。梅。三。百。株。其。遺。命。也。巧。林。少。子。肖。芬。亦。工。畫。蘭。今。都。下。伶。諸。色。藝。以。梅。蘭。芳。爲。冠。卽。肖。芬。子。也。

道光甲申高家埕河決案

道光甲申十一月大風霾。致高家埕十三堡潰決。洪澤湖全行傾注。淮陽二郡。

幾成魚鱉。宣宗震怒。特派大學士汪廷珍。尙書文學。至江南查辦。乙酉正月。星節甫臨。萬柳園者。清江浦北岸之郵亭也。凡南北往來大官。皆於其地請聖安。是日。自總督漕督河督及合屬文武百餘員。畢集。旗蓋車馬。街衢爲之填咽。諸大府於轅門外。坐胡床以俟。少選。先見一材官。飛騎至。朗呼曰。中堂請漕督魏大人請聖安。惟此一語。而江督孫安圃。相國河督張蓮舫。司空皆知褫職矣。相國即呼清河縣某。至詢曰。各事預備乎。蓋其時震怒不測。凡桎梏銀鐙刑具。皆不可少也。司空家丁。以空梁帽。及元青褂。獻相國。遽止之曰。姑稍俟。未幾。兩星使。入行館。漕督入請聖安。畢。暫退。旋呼三人聽宣諭。旨隨帶。司員四人。自中門。出手捧硃諭於香案前。雁行列。三督皆跪。司員居首者持諭。旨朗宣。至孫玉庭。辜恩溺職。罪無可道。下卽止。復徐徐曰。皇上問孫玉庭。知罪不知罪。相國乃免冠。連叩。敬答曰。孫玉庭昏愼糊塗。辜負天恩。惟求從重治罪。語畢。又連叩。崩角。

始傳諭着革去大學士兩江總督再俟諭旨兩江總督着魏元煜署理漕督乃九頓謝恩再傳諭張文浩剛愎自用不聽人言誤國殃民厥咎尤重皇上前問張文浩知罪不知罪河督時已易冠服乃伏地痛哭自稱罪應萬死求皇上立正典刑續又宣曰上諭張文浩着職革先行枷號兩個月聽候嚴訊遂呼清和縣取枷至枷乃薄板所製方廣尺餘以黃綢封裏荷於河督頸擁之而去是時內外官民觀者萬人莫不悚懼復傳道廳營各官羅跪庭中傳旨後又云欽差臨行面奉聖諭自古刑不上大夫張文浩至河督而特令枷號河干者實因民命至重設官本以衛民今乃蕩析離居實爲朝廷之辱是以特予嚴譴乃爲慎重民命起見凡淮陽士民其皆仰悉上意云云汪文二星使既復命諭令張文浩發往伊犁當起解時亦一大觀也時江督爲琦善河督爲嚴烺皆集於制府行轅張荷校囚服引至大堂宣旨後疎枷謝恩畢二督乃邀張入內餞其行固讓

始入酒三行。即出二督各呼己所乘輿。送張固辭。二督乃互挽張臂。揮淚慰之。並告以出行後當代養老。父張痛哭。跪謝。仍呼小竹輿由旁門入。步行欲出。兩督亟止之。乃飭閉側門。促輿由中門鼓吹出。兩督皆至。萬柳園伺張登舟。良久不至。旋報以由僻路渡黃矣。兩督乃至張宅中。請其封翁出慰勉。再四始去。不旬月致贖萬金。送其家回浙。嚴張本舊友。琦則與張僅泛交。且素有刻核名。而死生患難之際。獨慨慷如此。蓋當時清議極重。而冷暖之際。好名者多。雖非出自本心。尙有友朋局面在。所謂告朔之餼羊也。由今思昔。可勝慨哉。

羅臺山逃儒入墨

讀惲子居大雲山房集。臺山外傳云。臺山少好技擊。兼治兵家言。嗣學於贛鄧元昌。修儒者之業。於書無所不窺。精思入微。遂喜佛法。自京師歸。忽登樓。縱火自焚。救之不死。遂狂走入山。服沙門服。不下髮。趺坐與人言。孝弟而歌泣。無

時下揚子渡錢塘過甬東多託跡佛寺中奉化快手怪其服令儕輩纂臺山臺山徒手禦之不可近因詣縣跌坐縣庭爲禪語同年生主事邵君洪時家居識臺山乃釋之遂遊普陀寓西湖已復走京師乃歸而卒惲氏此文似臺山之入墨亦似有託而逃譬如病榻呻吟聊自緩其痛苦否則何所爲而甘棄其飲酒食肉之身昏瞽叫號靡所脅驅而遽自淪溺耶

士大夫之諂媚三則

乾隆間某太史諂事豪貴其妻某氏始拜金壇于相國妾爲母嗣相國勢衰又往錢塘梁階平尙書家拜梁爲義父蹤跡曖密時相傳冬月嚴寒梁早朝某妻輒先取朝珠溫諸胸中親爲懸掛自來諧臣媚妾悅人惟恐不工至爲婢妾倡伎之所不爲而未有甚於此者也

又聞某妻拜梁爲義父時執贄登堂拜畢出懷中珊瑚念珠雙手奉之梁面發

赤疾趨而走某妻持念珠追至廳事圍繫其頸時坐上客滿皆大驚失措越日
有人題詩於門外云纔從于第拜乾娘今拜乾爺又姓梁熱鬧門牆新戶部淒
涼庭院舊中堂翁如有意應憐妾奴豈無顏祇爲郎百八念珠情意重臨風幾
陣乳花香

又道光朝一翰林夙出濰縣陳官俊門下陳喪耦翰林爲文以祭之有喪我師
母如喪我妣之句翰林妻又嘗爲許乃普之義女有詆之者集成語作聯揭之
門外云昔歲入陳寢苦枕塊昭茲來許抱衾與裯二事略同一詩一聯皆爲言
官登白簡至今有餘臭焉

輿中揭帖

同治中某公附肅順得湖南巡撫既至惡紳與官事某盡去之凡駱秉章左宗
棠所有官紳皆披揆督過於時湖南諸將方經營江浙爲天下倚重聞某所爲

則大怒。巡撫所劾，皆奏調赴軍。且日求某陰事，將共奏之。會巡撫以國喪娶民女，爲屬吏所訟，乃大窘。更詣諸紳謝，任以事，又加禮焉。是歲鄉試，主考官得揭帖於輿中，詞甚工麗，有句云：當其始，真除由墨敕，初無寶璽，緘封迨其後，半路趕私書，遂使奸徒漏網。慕南園之火，熱甘列門牆，見東廠之烟，銷又誇氣節。朝秦暮楚，妾婦亦覺羞顏。鼠伏蛇行，衣冠爲之短氣。是卽改行於調停之日，潛身於傀儡之場。己屬無補，前愆難逃。清議乃敢作威，由己徑參三品監司，揀缺調人。祇顧一鄉親友，驗裁縫之針跡，妄用鞭笞，減卒伍之餉糈，發脩城堞，卽而籤判之狂言，恐嚇畏其威，而鈴閣增兵，鐵工之券契，強收迫於勢，而園扉謝罪，西曹對簿，枯淑女之雙波，束市吞聲，愧先皇於九地人，但見其犯色荒之戒，而自速其辜。吾則謂其有無君之心，而後動於惡。

諸囊七之古拙

諸襄七先生錦學問淹貫而性古拙當典試福建巡撫饋正副考官瓜各五十而先生之瓜少送一枚先生大怒請巡撫面問之巡撫曰此係誤數卽當再送先生益大怒曰我豈爲一瓜爭乎膳肉不至而孔子行醴酒不設而穆生去瓜雖微亦可見禮意之衰也一時傳爲笑談

記長麟相國軼事

長麟相國巡撫浙江時聞仁和令某有貪墨聲乃微行訪察之一夕遇令於途直衝其鹵簿而過隸役方呵叱令識爲公急降輿謝罪公問何適以夜巡對公哂曰時僅二鼓出巡無乃太蚤且夜巡所以詰奸今汝盛陳儀衛奸人方引避不暇何巡察爲無已其從吾行乎乃悉屏從人笑談徐步過一酒肆曰得無勞乎與子且沽飲遂入據坐問酒家邇來得利如何對曰利甚微重以官司派科動多虧本公曰汝一細民科派何以及汝酒家頻蹙曰父母官愛財若命又不

論茶坊酒肆。每月悉徵常例。蠹役假虎威。且取盈焉。小民何以聊生。因歷述令之害民者十餘事。不知卽座上客也。公曰。據汝言。上官猶無覺察乎。曰。新巡撫聞頗愛民。然初到一時。何能俱悉。小民亦胡敢越訴。公略飲數杯。付酒錢。出笑語。令曰。小人言多已甚。我不輕聽。汝亦勿怒也。行數十武。忽曰。此時正好巡夜。盍分道行。令去。公復返至酒家。叩門求宿。對以非寓客處。公曰。固知之。我此來非爲求宿。特爲護汝來耳。酒家異其言。留之夜半。有剝啄聲。甚厲。啓視。則里胥縣役持硃簽。洵來拘賣酒者。公出應曰。我店東也。有犯我自當與某無涉。胥役固不識。公叱之曰。本官指名拘某。汝胡爲者。公強與俱。至署。令卽升堂。首喚酒家公。以氈笠蒙首。並縮登堂。令一見大駭。免冠叩首。公升座。索其印。去曰。省得一員。摘印官也。

顧秋碧之迂癖

江寧顧秋碧先生爲錢竹汀高弟學問該博著作甚多其所著補後漢書藝文志卷帙甚富趙撫叔刻入叢書中者乃節本也性迂癖嘗自題其門曰得過且過日子半通不通秀才其風趣可想生有異稟體氣過人每夕必御婦人指爪甚有力可以排牆懷奇不遇卒客死於清河之海神廟中

某老翁負債詩

吾邑某老翁生平多負欠乃子乃孫殆有甚焉翁嘗詠欠債祖師三首以解嘲其詩曰自從出世債纏身舊欠纔償又轉新恰喜兒曹尤勝我堪稱欠債老鄉紳如今當道有良圖國債堪將危局扶怪煞區區先欠債收來如許令高徒思量欠債最難過國債如何不怕多我債却無田產抵想來國債有山河以詼諧之筆寓譏刺之意冷雋可誦

曾文正與王壯武茶蒂

曾文正與王壯武素有芥蒂。壯武之死也。其父自撰聯輓之曰。不死於賊。必死於小人。今而後吾知免矣。雖竟其才未竟其大志已焉哉。天實爲之。所謂小者。蓋有所指也。

宋牧仲才能應變

商邱宋牧仲撫江蘇時。專以提倡風雅爲事。有人以撫署外兩轅門署額。澄清海甸。保障東南八字。衍爲聯句。嘲之云。澄清海甸。滄浪水保障。東南伯虎墳。似其治行無甚足傳。不知其才能應變亦有度。越尋常者。當公撫江西。未蒞任。值楚中夏色子變起。賊氛逼近。卽兼程馳赴。申軍令。嚴守禦。民心少定。而富室尙有遷移者。或請禁之。公不可。曰。禁之人將以我爲怯。百姓且散走矣。幕下士請去。公又不可。曰。人恃撫軍耳。撫署人出。則人心散。果欲去。吾卽以軍法從事。時江右亦有裁兵三千。期朔日。諸官集撫署。殺以應楚。公先期密擒爲首者二人。

就轅門震爆斬之。張文告數十紙。示以渠魁已殲。脅從散者不治。是日薄暮。城門吏報無籍之潛出者二千餘人。亂遂定。方訊斬賊首時。賊指總兵之奴曰。是亦吾黨也。公急命批頰。異日密語總兵去其奴。總兵憤曰。公眞爲我通賊耶。公曰。豈有是哉。日者賊甫啓口。而奴立君後佩刀。已出鞘數寸。吾卽命笞賊。奴乃納刀。不然。事正不可知之數。君特未之見耳。總兵乃大感服。其彌患於無形若此。

孫豹人先生之軼事

關中孫豹人先生。枝蔚舉鴻博時。迫於有司。輿疾入都。諸待試者多務研練。爲詞賦。先生獨汎覽他書。或詢之。則曰。吾僑居廣陵。數十口饑殮。待我。使我官京師。不令舉家餓死乎。已入試。不中。良喜。會詔諸布衣處士。有文學素著。老不任職者。其授京銜以寵其行。於是及格者數人。而先生與焉。其將以年授官也。吏

部集驗於庭。主爵者望見先生鬚髮皆白。引之使前。曰。若老矣。先生直對曰。未也。我年四十。卽若此。且我前以老求免試。公必以爲壯。今我不欲以老得官。公又以爲老何也。衆皆目笑。時施愚山送先生歸揚州序有云。非崇儒敬老。無以示朝廷之恩。非引分守窮。無以見巖穴之志。按愚山贊語。從范文正公嚴先生詞堂記。未段脫胎而出。在當時亦頗得體。

范道人

范道人者德州人。居衛河西琵琶村。生於明嘉靖三十年辛亥。程正夫以康熙庚戌見之。年一百二十歲矣。起居如平時。五官之用未嘗少衰。平生不知服食修養之術。少貧。不妻。事母最孝。謹鼎革。後入九子祠。爲香火道人。祠有祭田數畝。躬耕而食。與人無忤。正夫贈以詩云。頗聞愛日依慈母。直數生年到肅王業。做道遙遊廣莫身。餘渾沌屬中央。

郭紹儀悟坎離之義

郭紹儀字丹葵。平湖人。明御史也。嘗雪夜讀書。地涌汞盈尺許。因悟坎離之義。又嘗飲酒肆。見一人古貌。儵然徧身絲縷。如牛毛紅類丹砂。異之。就與語。自言是靖難時人。遂從受養生之術。鼎革後卒年八十四。

都門八古蹟

乾嘉間詩人多賦都門八古蹟。一爲法源寺。甄塔相傳。安祿山史思明建。一爲太醫院銅人。在署內。藥王廟作於宋天聖時。世謂從海湧出。非也。一爲報國寺。窰變觀音像。高尺餘。寶冠綠帔。手捧梵字輪。一爲潭柘寺。妙嚴公主拜。甄公主元始祖女。削髮居寺中。持觀音文禮大士拜痕。入甄額手足五體。皆具。歲久。甄壞。獨留兩足痕。明萬曆壬辰。孝定太后。匣取入覽藏之。一爲覺生寺。大鐘。明永樂間鑄。萬曆間從經廠移置。萬壽寺。乾隆八年移。覺生寺。一爲崇國寺。姚少師

影堂露頂袈裟跌坐。一爲慈壽九蓮菩薩像。九蓮菩薩明孝定皇后夢中授經者也。覺而一字不遺。因作慈壽寺。建九蓮閣。塑菩薩像。跨一鳳。而九首相傳。菩薩爲孝定前身。又長椿寺有黃綾紫軸繪九朶蓮花。題曰九蓮菩薩之位。卽孝定也。一爲刑部楊忠愍公手植榆。在北所。（按都門古蹟。唐以後明以前見之。紀載者甚夥。此八者殆偶然寄興或當時尙在者也。）

張石州以狂放見擯

平定張石州先生。淵博無涯。世以東京崔蔡目之。然狂放使氣。道光己亥應順天鄉試。携瓶酒入。監搜者呵曰。去酒。石州輒飲盡。而揮棄其餘。灑監者怒。命悉索之。破筆硯。毀衣被。無所得。石州捫腹曰。是中便便。經笥若輩。豈能搜耶。監者益忿。乃撫筆囊中片紙。有字一行。謾曰。此懷挾也。送刑部。讞白其枉。然竟坐擯斥。

棲霞閣野乘卷八

年羹堯軼事

年羹堯征青海日。營次忽傳令云。明日進兵。人各携板一片。草一束。軍中不解其故。比次日。遇塌子溝。淤泥深坑也。滿語云然。令各將束草擲入上鋪板。片師行無阻。蓋番人方倚此爲險。不意大兵驟至也。遂破其巢穴。又年征西藏時。一夜漏三下。忽聞疾風西來。俄頃卽寂。年急呼某參將領飛騎三百往西南密林中搜賊。果盡殲焉。人問其故。年曰。一霎而絕。非風也。是飛鳥振羽聲也。夜半而鳥出。必有驚之者。此去西南十里有叢林密樹。宿鳥必多。意必賊來潛伏。故鳥羣驚起也。其兵法之靈變。實不愧一時名將。而卒罹大譴。惜哉。

邵潛夫

邵潛夫通州人。明萬曆間。已以詩歌名。江表。康熙初年八十餘矣。家貧。苦徭役。

值漁洋司李揚州。按部抵境。首謁邵邵所。居委巷。乃屏輿從。徒步而入。邵曰。適有酒。一斗能飲乎。漁洋欣然爲引。滿流連。移晷始別。有司聞之。立除其役。

劉石菴之軼事

劉石菴立朝謇諤。風骨棱嶒。王惕甫淵雅堂集有句云。詩人老去鶯鶯在。甲秀題籤見。吉光自注石菴相國有愛姬王能學。公書筆跡幾亂。眞惕甫蓋嘗見姬爲公題甲秀堂法帖籤子也。耆英宿學。偶露風懷。正見理學名儒。其正性情。去人不遠。

尹文端之虛己納言

尹相國文端公繼善。虛己納言。封疆數十年。每有張弛。必集僚屬。謂曰。我意如是。有不可。諸君必駁。我若能說。則再駁。萬無可駁。而後行。勿以總督語遷就也。世宗皇帝嘗謂公曰。汝知督撫中有宜學者乎。李衛鄂爾泰田文鏡是矣。公

奏曰。李衛。臣學其勇。不學其窟。田文鏡。臣學其勤。不學其刻。鄂爾泰。宜學處。多然。臣亦不學其懷也。上以爲善。其督兩湖。嘗一月間。兼將軍提督。巡撫河漕鹽政。上下兩江學政等官。九印彪列。又嘗充丙戌會試總裁。先一年而降旨。皆異數也。

孔東塘得漢玉羌笛及唐製胡琴

孔尙任東塘。精於音律。常得漢玉羌笛。唐製胡琴。各一枚。形製古雅。自爲跋刊之云。康熙壬申。官京師。獲玉笛。吹孔之下。止具三孔。世無識者。攷之馬融笛賦。稱笛出於羌。舊四孔。京房加一孔於後。以備五音。所云四孔者。乃連吹孔數。之其底。原有洞孔。故加一孔。而五音備焉。後之長笛。又加二孔。以應七律。許慎說文。注笛七孔。笛羌笛三孔是也。其曲有落梅花折楊柳古愛。其曲多爲玉笛吹之。此笛色如柳花。蓋古之紺黃玉也。雙鈎碾製。肖形竹節。頂節二寸。中節八寸。

尾節五寸較以漢尺分毫不爽。應邵風俗通載漢武帝時丘仲作笛長尺四寸。今長尺五寸且無後孔。當在漢之初年矣。噫古器存而古音莫解。笛之三孔亦猶文字之一畫也。與胡琴本北方馬上樂亦謂之二絃琵琶。蓋琵琶所托始也。南部新書載唐韓晉公泐入蜀伐奇樹堅緻如紫石。匠曰爲胡琴槽。他木不能並。遂爲二胡琴。曰大忽雷小忽雷。後獻德皇樂府雜錄云文宗兩朝忽雷猶在內庫。內侍鄭中丞特善之。訓注之亂始落民間。康熙辛未予得自燕市。蓋其小者質理之精可放良玉雕鏤之巧疑出鬼工。今八百餘年矣。頻經喪亂此器徒存而已。無習之之人俗藝且然傷哉。

戴舍人善於解紛

乾隆中錢籜石宗伯素不喜戴東原太史。一日同鄉會飲有言次及戴者宗伯力排之言者往返辨論宗伯排之愈力且謂詆斥前輩無後進禮言者不能爭。

數日復會。言及抗堇浦太史。宗伯亦言其非。前言者在坐。又與之爭。宗伯不服。時戴忍奈觀察姚成爲中書舍人。居席末。宗伯以其言質之。戴遜謝曰。先生評鷺人物。非小子所敢知。第有一語不解。宗伯驚問何不解。戴曰。前日聞先生云。東原排斥前輩爲無禮。然則前輩不可非也。今堇浦先生非先生之前輩乎。於此而非之。是以不解也。宗伯爽然揖戴曰。君言是。曰。教我多矣。由是不復詆戴。一時服舍人善於解紛而亦多。宗伯能自屈也。

年大將軍延師

年大將軍威震內廷。勢傾中外。庶司百僚莫不拱手聽命。適其幼子需師教讀。與公卿言及衆皆唯唯。時有江南沈孝廉。因不第流寓都中。覓館糊口。已托其座師某侍郎。允爲推薦。冬至朝賀之期。百官咸集。大將軍復理前言。某侍郎即舉沈生以應。大將軍曰。爲童子師。以品行爲要。俾幼而習見師範。則長可觀矣。

此生端方。否侍郎對以有儒者氣象。大將軍欣然許。可侍郎歸。召沈生囑令小心謹慎。不僅安視有方。若得大將軍清目。則功名未可限量也。沈感謝而退。新正大將軍遣從官以名柬邀沈生。至第。大將軍躬迎於堂。專席南嚮。命公子盛服拜師。畢大開筵。讌聲伎。裸奏賓主盡歡而止。送先生入西園書室。三楹峰巒。周匝林木。青蒼室內。書籍充陳。陳設精雅。公子年甫六齡。不過指教數字而已。其供奔走者。蒼頭四人。俊童八人。晚入臥室。牙牀絳帳。綉褥錦衾。並皆佳妙。次日蒼頭帶長髯者。至約視沈生體段。趨出。未幾進貂裘全襲。服之長短適宜。每日辰輿則八童齊侍。其一首頂銀盆。跪而請盥。一執漱具。一執巾帕。一則鏡奩。一執香皂。餘皆揀衣攝裳。環伺左右。沈生平所未經者。意甚不安。諭之曰。其以盥盆置架上。恐沾爾等衣也。童曰。某等受大將軍命。曰事師如事予。大將軍盥沐皆如是也。敢不勉効。執事以速。重愆。沈曰。我所命與爾無碍。童不敢違。以梓

楠雕架承之。沈正沐。大將軍至。見童不頂。盆怒目視之。向隨帶護衛。一顛首護衛。噲意帶指童出。未幾。獻首階前。曰。某童不敬先生。已斬之矣。沈大驚駭。視大將軍。色轉和心始安。大將軍喜古玩。每得禹鼎湯盤之屬。與沈共賞。鑑沈若贊。嘆。則曰。先生欲之。留此爲玩。雖千金所得者。未嘗顧惜。一日。大將軍來。與沈共膳。飯中有完穀。沈出之。大將軍見。回首示護衛。意護衛去。未幾。獻首階前。曰。庖人揀米不淨。已斬之矣。沈不勝驚愕。視大將軍談笑。自若。不得不勉強承歡。逾月。沈憶家中所需。欲支修金。與蒼頭商之。蒼頭曰。需若干。請作書呈大將軍。沈請數十金。連家書送去。蒼頭回曰。已如命寄江南矣。未幾。大將軍奉旨征西夷。來辭。沈曰。先生之品學。予所敬佩。今予承命西征。未稔何年。藏事敬以幼子屬。先生有不率教者。督責之。勿棄之。而去。予旋師之日。當有以報先生也。沈唯唯。大將軍去後。沈欲出訪友。閹者拒曰。府中出入皆有載籍。按月錄報。大將軍在。

時先生足不出戶。今忽有是恐貽奴輩性命之憂。可已。則已。乞哀憐之。沈知大將軍家法嚴。遂不果出。次年應會試。亦爲闈者哀祈而止。沈憤欲告歸。又不敢拂。大將軍命所幸四季衣服屢爲更新。而小衣十日一新。至肴饌則翻新出奇。總無恆品。不第豐腆而已。若悶時蒼頭望見顏色。即傳府中男女名優赴園演劇。爲先生排遣。則又樂而安之。荏苒三年。屢有信致家中。未得一回書。深以父母妻子爲念。委婉致意。大將軍得大將軍還書。意甚欸洽。言亦謙退。惟云。予報捷在邇。請先生姑俟。晤商可也。又半載。大將軍獻俘還闕。聖駕郊迎。公事畢。入視先生。歡然道故。並謝勤勞之意。沈未敢驟辭。一日登假山閒步。忽聞哀痛之聲。問童曰。此聲何來。童曰。大將軍凱旋後。在廳事考功。過定賞罰耳。沈曰。得窺探否。童不敢違。引之往潛伏廳後。視見大將軍高坐庭下。甲士森列。所執刀斧之光耀目。兩旁司官按藉論功。過其功多者立易以應升之品。服酌酒賜坐。其

過多者大將軍面數之曰某戰汝失機宜某事承辦不力應斬任其哀籲不顧也護衛即洗剝其衣推出門外砍首以獻惟是大將軍嚴刻罰多賞少悲矜不絕沈觀之慘甚不覺首觸門屏而倒大將軍微聞之事畢退視廳後見先生倒臥於地數童扶之不起大將軍親挽之入室慰令安臥喚僕速取安神丸以葠湯服之從容問曰誰告先生俾驚怯也沈思大將軍威嚴不敢實告因徐曰聞公子之言以其愛子之心則無所責罰大將軍唯去忽有僕婦惶惶入室跪告曰公子干犯先生大將軍裸而鞭之將斃矣奉夫人求先生速救之沈愕然曰我不能入內室其奈之何婦曰只須先生命蒼頭往喚公子則大將軍不能不釋沈如教蒼頭負公子來懽懽欲絕沈撫之徧體皆傷泣曰我冤汝矣命蒼頭携公子臥具來與之同榻慮大將軍怒猶未息也逾月乘大將軍歡悅沈復以歸寧爲請大將軍曰先生孝思予曷敢阻擇日盛饒大將軍欲親送出關沈力

辭猶依依不舍。命公子代送。登程之際。後車數十乘。從者數十人。卿相咸設餞。行則衛士前驅。止則館舍盛備。所歷之都邑。自節使監司以下。迎送惟謹。至河干。則巨艘十餘。沈意謂一肩行李何用。如許舟車。始問蒼頭。則以單紙進。默數之。凡幾年所備之衣笥及書室中所陳之物。無論書籍古玩。無不載來。沈笑謂蒼頭曰。誤矣。是皆大將軍之具。何可携歸。蒼頭曰。大將軍命恐先生思念舊物。故悉舉以贈。沈感甚。意謂雖不得財。諸物猶值萬計。半生無慮。饑寒矣。及抵蘇。則都督率百官迎於舟中。沈再拜。以辭曰。予小子其敢勞上官。衆曰。夫子爲大將軍上賓。我等其何敢褻。辭衆歸。衛士擁護至第。則舊宅全非。門第軒昂。居然巨室。沈徘徊不敢入。是時觀者如堵。鄰叟謂曰。封翁望郎君久矣。何不入室。沈曰。我家何在。叟笑曰。郎君開創大宅。而諉爲不知也。沈始敢入。迎於門者皆幹僕。登堂則誥命輝煌。入室則父母衣四品服。儼然命卿。沈趨跪。膝下問所由來。

其父母詫曰。汝自爲之。何不自知。沈實對以不覺之故。其父北向揖曰。大將軍成全汝。可謂再造之天矣。因云。某年方伯來。謂老夫曰。奉大將軍命。爲翁改宅。遂去。舊而廓充之。老夫曰。宅大人稀。得毋寥寂。方伯卽送僕婢若干人。并良田質庫。以及陳設。諸物無不畢具。旋得捷報曰。汝從大將軍西征。以軍功得縣令。屢次薦升。今爲觀察。老夫婦皆膺封典。惟慮汝在軍前懸懸。而望今汝歸來。舉宅大慶矣。沈感極。涕零出見。諸僕數十人。以次叩謁。一老蒼頭捧檣。跪陳數籍。以告曰。是皆田宅人丁契券之屬。大將軍命置者。老奴已經理數載矣。請耶君檢收。以便老奴帶衛士等回都覆命也。沈慰勞之。受籍計點其值百萬。乃啓謝大將軍。自此寂然。亦無回音。沈思大將軍權勢過甚。慮罹黨禍。不敢出仕。稱疾家居。不數載。聞帝愠大將軍。遷謫吳地。百官交章劾其肆橫狀。帝震怒。命削職。拿問。過蘇郡。沈賄通緹騎。潛入舟中。撫大將軍而泣。大將軍笑曰。大丈夫視死。

如歸。予卽不法。實無悖逆。第上怒。不解。予固不望。生還。況予以儒生起家。權勢傾百寮。享用逾萬乘。得無盈滿之誅乎。惟幼子託先生青目。沈唯唯。納贖千緡。不受。入都。帝廷鞫之。皆承賜纒首籍其家。諸子弟皆遣戍遠方。爲怨家所滅。其幼子因無職。始得以脫漏。沈聞之。不勝悲感。是夜突有北來流丐。二人入宅求見。闖者與之錢。不受。丐曰。但得一晤。主人死亦無憾。沈出視之。卽老蒼頭與公子也。相對慟絕。遂匿以爲子。以存大將軍之後。

畢秋帆之膽小

畢秋帆督陝甘時。嘗登華山蒼龍嶺。嶺壁削直上。昔韓昌黎曾投書於此。畢舍乘輿攀援而上。尙不覺其險也。及至其巔。俯視無垠。意甚悚懼。不敢下。謂此生當死於此。大哭。作書別家中同遊者。勸云。勿視。兩傍卽可從容而下。畢終不敢。後諸人私議勸畢飲極醉。以氈裹絕而下。畢旣還。乃慷慨謂幕僚曰。老夫今日

得。生。還。矣。乃。籌。欸。開。廣。其。道。使。稍。可。登。余。謂。生。計。之。逼。仄。小。民。之。無。死。所。一。如。畢。之。登。蒼。龍。嶺。畢。身。爲。大。員。不。爲。小。民。籌。生。乃。爲。蒼。龍。開。路。惜。乎。所。見。之。不。廣。也。

朱竹垞軼事

朱竹垞先生客太原留布政使王公顯祚官廨。公出白玉碗飲之。崇五寸深四寸六分。徑七寸。舉以映膏燭。皎若冰雪。黃點如粟者數十餘綴焉。云獲之晉恭王府者也。先生大喜。連引滿。遂大醉。碗及於石案。有聲。頽然。几而臥。坐客色駭。亟持碗奉。公笑曰。子誠小人。盃爲良友。所賞卽碎。庸何傷。先有月官願。易以千金。公不可。至是以先生之愛之也。俾留書齋。飭廚人月致桑落酒。二甕。

枇杷無核

秀水朱竹垞與某道士善。觀中有枇杷二株。熟時。每餉朱。俱無核。朱詰其故。道

士以仙種對朱終不信。道士素喜啖尤嗜蒸豚。一日朱邀之命僕市一彘肩。故令道士見不逾晷。即出以佐餐。融熟甘美飽啖而罷。因問朱以速化之法。朱曰。偶有小術。欲以易枇杷種耳。道士低語曰。無他於始花時。鑷去其中心一鬚耳。朱曰。然則吾之饌亦無他。昨所預烹者耳。相與撫掌。

顧蓮塘

道光六年回酋張格爾煽逆。詔以陝甘總督楊遇春爲欽差大臣。統陝甘兵會。勦楊公有幕友曰顧蓮塘者。精越人術。初楊公屬下有以艷姬獻者。居於別室。公尙未之授也。越日而病且劇。歷試諸醫罔驗。所患公恐其遂死。聞顧名而顧適在蘭州。遂邀入署診候。畢公迎問之。顧笑曰。恭喜大帥。如夫人病非他。乃石燕投懷之兆。公嘿然疾趨而出。與材官耳語久。迺復入。張具飲。客議論風生。閱須臾而健兒二人各以利刃挾一血孩至矣。顧大駭。手內象牙筋鏗然落地。公

止之曰。客勿爾。客誠名醫。余迺錯怪。倘勿以蠖屈見棄。願稍勾留。顧感其情重。諾之。大見信用。乃未幾而回疆之事起。公轉戰塞外。顧常隨在幕府中。參與機密。七里河之役。賊十倍我鎗炮。如雨下。公與顧並馬立陣前。顧馬忽驚蹶。卽墮地。公方下馬扶之。而隔河已炮碎其鞍矣。此外如橫岡如柴關。公屢瀕於危。而皆以顧得脫。公大感激。及上召問。嘆爲真福將。公謙遜以爲顧功。因有明威將軍之號。史傳公畢生無姬侍。或卽以茲一事有遺恨者歟。

順雍間兩大異事

文道希學士生平所見。有兩異事。一爲順治二十八年。進呈時憲書。乃學士於廠肆舊書攤買得者。一爲雍正間。陳文勤世楨所奏本。乃報其六歲幼女夭逝事。學士官中書時。於內閣擋案中得之。

淮南謙客記

巖客洪姓者。淮商之巨擘也。曾助餉百萬。賜頭銜二品。其起居服食。有王侯不逮者。戊辰之歲。某君慕遊淮上。仲夏洪商投刺約消炎會。偕同事數友詣其宅。堂構爽塏。樓閣壯麗。姑無論矣。肅客入。蕭齋委婉。曲折約歷。十數重門。入一院。小山玲瓏。供素蘭茉莉夜來香西番蓮數十種。以白石琢盆。梓楠爲架。排列成行。咸有幽緻。正南小閣三楹。前槐後竹垂蔭。周匝閣中窗戶盡除。懸水紋蝦鬚簾箔。望之洞虛縹緲。捲簾入內。懸董思白雪景山水。配以趙子昂聯句。下鋪紫黃二竹。互織卍字地。簟左右棕竹椅十六。磁凳二。磁榻一。以龍鬚草爲枕。褥棕竹方几。一花欄。細密以錫作。屈面嵌水晶中。蓄綠荇金魚游泳。可玩兩壁皆以紫檀花板爲之。雕鏤山水人物。極其工緻。空其隙以通兩夾室。室中滿貯香花。排五輪大扇。典守者運輪轉軸。風從隙入。閣中習習披香。忘其爲夏。未幾肅客入苑。園邱壑連環。亭臺雅麗。目不暇給。於是繞山穿林。前有平池。碧玉清波中。

滿栽芙蓉紅白相間灼灼亭亭正含葩欲吐時緣堤而東千樹垂楊之下別有舫室渡板橋而入爲頭亭爲中艙爲稍棚宛然大平艘窗以鐵線紗爲屢延入荷香清芬撲鼻其椅棹皆湘妃竹鑲青花磁而爲之艙中兩筵已具肅客就坐筵上榴荔梨棗蘋婆果哈蜜爪之屬半非時物其器具皆鐵底哥窑沉靜古穆每客侍以嬰童二一執壺漿一司供饌饌則客各一器常供之雪燕水參以外駝峯鹿麝熊躡象白珍錯畢陳妖鬢繼至妙舞清歌追魂奪魄酒數行熱甚主人命佈雨未幾甘霖滂沛煩暑頓消從窗隙之則池面龍首四出環屋而噴宴畢雨止潛察龍之所在則洋人製皮爲之掉入池中一人坐其背鼓水而上嗟乎、嗒儉耳而享用逾王侯何德堪此後之疲乏有以致之執業者其戒之哉

顧生詠醋詩

朱蘭坡宮贊璋主講鍾山書院時以柴米油鹽醬醋茶七律試諸生有顧生詩

最佳。其詠醋一首尤妙。起句云。書生風味美。人心結句云。我亦醯雞感。身世半瓶羞。澗到而今宮贊激賞之。遂擢冠一軍。

某大臣之冤死

咸同間某大臣以親王受遺命輔政。愛才下士。一時如江西高心夔。湖南王闓運。江蘇尹銘綬。皆歸之後。以宮闈事秘。羅織成獄。某大臣竟以法死人。罕有知其冤者。

李高陽之無行

李高陽當國時。勢焰煊赫。有往謁者。向不答拜。當李未達時。以無行稱。與徐潘諸人有四公子之目。既任軍機。猶不改舊習。其表姪婦某氏有殊色。李悅之。因占爲己。有使居媵。侍行某氏族人恥之。呈控於都察院。方控詞之未入也。李已先偵知之一夕。忽命驟往拜某侍御。某侍御於李爲同鄉。素未一通謁。閱刺大。

訝之姑延入。既坐。李謂侍御曰：不日將有某氏族人控我。屆時煩君將全案送我宅中也。侍御莫名其旨。唯唯而已。李遂起身去。越日呈詞上。果派侍御裁判此案。侍御受李旨爲之極力洗刷。獄既結。得朝旨。侍御已簡爲某省布政司。蓋李之所以報也。

記李治安彭桂森之死節

李治安。閩人。臺灣中學堂電班畢業生也。割臺時。劉淵亭守臺南。李赴營投効。自言善安設地雷水電及放發等術。劉錄用之。使守彰化。與日人戰。以地雷沒其全軍。當雷轟發時。李之營下亦多擊死。僅以數十騎遁歸。臺人慣習。凡敗北兵士必褫其衣服。衣以草。李歸時。臺人誤以爲敗兵。亦去其衣服。衣之草。李負苦歸。見劉帥。劉知其無罪。與兵二百名。仍使守彰化。迨彭桂森八卦山失守。李知勢不可爲。偵日軍麇集時。放雷轟之。並率兵士共死。年僅二十二歲。彭

桂森者年三十文武全才劉倚爲心腹所守八卦山爲臺南鎖鑰八卦山失守則臺南全府均去故劉命彭守之相持三載李兵僅五百名卒爲日軍所奪全軍盡覆彭亦殉節死

畢秋帆之傲物

達官貴人往往睥睨一切以盛氣凌人受者亦俯首不敢一較奴顏婢膝視爲固然獨村野間人或尙能以微詞相辨詰則以無利祿之觀念歆羨於中也禮失在野求之今日恐亦如鳳毛麟角之不可多得矣畢秋帆撫三秦道經某刹駐軒隨喜一老僧迎入畢曰爾亦知誦經否僧答以曾誦畢曰一部法華經得多少阿彌陀佛僧曰荒菴老衲深愧鈍根大人天上文星作福全陝自有夙悟不知一部四書得多少子曰畢愕然深賞之遂捐俸置田爲香火資並鼎新其寺此僧固可謂具善知識者然非畢之傲物於前憐才於後則貴人一怒禍福

亦。正。不。可。測。耳。

計甫草之逸事

吳江計甫草東讀書講學風趣異人嘗客鄴中訪謝茂秦葬處爲封土三尺餘立碣表誌至順德忽憶歸震川常佐此郡有廳記二首求其遺蹟不可得西向再拜流淚被面游泰山至日觀峯見豐碑屹立大書人子不登高不臨深卽杖策而下還吳見黃孝子向堅自稱弟子逸事尙多此特其最著者

曾文正知政體

六朝金粉之遺祇賸秦淮一灣水逮明季馬湘蘭李香君輩出風情色藝傾動才流迄今讀板橋之記畫舫之錄紙墨間猶留馨逸自兵燹十年而一片歡場又復鞠爲茂草矣金陵克復數月畫船簫鼓漸次萌芽時六安涂廉訪守郡亟飛牒縣厲禁次日謁曾文正公公笑謂曰聞淮河燈船尙落落如曙星吾昔計

偕過此千艘梭織笙歌徹宵承平樂事也又次日公先約幕府諸君買棹游覽並命江甯上元二邑令設席款太守一時士女歡聲商賈集河房榛莽之區白舫紅簾日益繁盛寓公土著聞信來歸遂大有豐昌氣象公眞知政體哉

瞿鴻禨排去王仁和

善化瞿子玖與仁和王夔石同值軍機善化實爲仁和門生其入軍機也仁和實援引之向例大臣初入軍機除畫諾外不敢妄建一議若在師門此例尤嚴瞿欲排去仁和即可居漢軍機領袖苦不得間會仁和有耳疾又年邁拜跪稍艱瞿當同入召見時於仁和步履扶掖備至及退出時又挽之使起故顯其老態於兩宮之前瞿又以其間語仁和曰師患耳疾設上以要政詢問者門生右顧可勿答左顧則諾仁和然之方私幸爲門生之關切也會北洋籌練新軍兩宮以仁和曾任北洋召詢可否仁和見瞿右顧不以應孝欽后曰汝於此等事

竟不置可否。耶瞿卽在旁婉奏曰：「王某近患耳疾，且已衰邁，懇兩宮恕之。」孝欽又詢王曰：「汝耳疾若是其甚？」耶仁和未聞，所以第見瞿左顧也。遽對曰：「然。」孝欽怫然卽命起去。未五日而開去軍機，差使之命下。

劉文清軼事

劉文清任外吏時，清勤剛正。一時有閻羅包老之稱。黃霸入相，聲名頓減。時和珅方炙手可熱，文清委蛇其間，唯以滑稽容悅而已。一日會食軍機處，同列有徵唐宋宰相堂餐故事者，文清忽朗吟曰：「但使下民無殿屎，何妨宰相有堂餐。」一座爲之噴飯。

壽序多諛詞

壽序諛詞，自前明歸震川始入文稿。然每觀近今名人集中，偶載一二，亦罕有不溢美者。惟潘次耕耒亭林先生六十序，頗有關係。其言曰：「漢自黨人議起，海

內名德網羅殆盡而鄭康成獨全於禁錮之餘黃巾不入其里徒衆數千人昭烈修弟子禮所注經籍百代宗之隋季綱紀文章蕩然文中子挺生其時慨然有宏濟之志獻策不用家居著書河汾之間才俊如雲卒贊貞觀太平之治以此比儼亭林非先生莫能當此也今世文士識力若潘次耕者容或易遇而所撰題目內多肉食貴官卽詞賦名士或竟錄筭記之儒者以及多牛足穀之富翁碑銘傳誌無一人可傳文之人但求文能傳人之文執筆浩歎又豈獨壽序然歟

李映碧侍御


前明李映碧侍御鶴書史局初開屢徵不赴堅不出山一時名輩多以詩文投贈有七律一章最切合能寫出侍御身分詩云考獻文重石渠蒲輪遠賁竟何如班彪自昔能編史范粲終知不下車北部姓名鈞黨後東京人物夢華餘

惟應獨拜江邊楊公論憑開井底書

金石家之笑話

光緒初潘伯寅與翁叔平盛伯希諸人研索鐘鼎篆隸往來箋翰率用籀分遂以金石學家馳名都下潘有弟子某頗腹誹之偶行市中見餅肆罏上有所謂馬蹄燒餅者其底缺形似古錢孔購其一以歸濡墨印於紙上以呈潘曰原錢價昂不能即得今以墨迹呈上乞爲推攷潘頷之已而熟視良久乃曰是爲殷某帝錢希世之珍物也某大笑出餅以進且言其實潘乃大慚自是不復敢自詡右見近人某氏筆記因憶兒時聞父老言阮文達製金石索屬汪容甫輩助之搜羅某日汪袖一石以進古色斑斕細辨之隱約似有款識篆法奇古阮問汪所自來汪曰是卽公所購求之某石器雖殘破其值猶千金也吾竭數月之力僅乃得此公其審之阮又諦視再三曰良是遂以千金償汪值而列其器於

集。中。他。日。集。出。汪。又。問。曰。吾。爲。公。搜。獲。之。某。器。佳。否。阮。曰。良。佳。汪。笑。曰。吾。更。爲。公。求。之。乃。相。携。至。某。河。濱。茶。肆。汪。指。臨。河。之。亂。石。示。阮。曰。公。視。此。孰。與。某。石。器。佳。阮。見。而。大。愕。曰。君。奈。何。戲。我。汪。曰。偶。留。爲。金。石。家。一。矚。耳。何。怒。爲。阮。喻。其。意。復。致。數。千。金。乞。勿。泄。言。此。事。故。金。石。索。中。之。贗。鼎。迄。今。罕。有。知。者。觀。此。兩。事。金。石。家。之。作。僞。可。見。一。班。矣。



棲霞閣野乘卷九

李文魁遺事

馬關之役。臺灣自立爲民主國。奉巡撫唐景崧爲大統領。七日而滅。蓋景崧。文吏無遠略。七日間之興廢。實李文魁左右之也。文魁。湘人。爲撫標管帶。駐臺北。先是和議垂定。景崧示所屬。誓與臺灣共存亡。臺民信之。已而有官將渡廈門。載運行李。頗多。無賴。遏而奪之。中軍王某。率兵馳救。鎗殺十餘人。衆大噪。持械互鬪。中軍被殺。兵皆潰走。衆遂蜂擁至撫署。署兵開鎗。又擊死十餘人。景崧聞變。而出。適文魁自外至。拔刀歷階而升。景崧驚問。何爲。文魁曰。來護大帥耳。景崧以令授之。曰。速召守兵六營來。文魁持令出。號於衆。提督楊岐珍及各統領俱率兵至。衆乃散。文魁遂駐獅球嶺。及聞基隆破。率左右數十人。挾快鎗突入撫署。大呼曰。獅球嶺危。在旦夕。請大帥督轉。景崧悚然起。立舉案上。令箭擲之。

日軍令俱在好自爲之。文魁俯首拾取及起而景崧已杳矣。遂捧之出。景崧退而歎曰：諸公誤我，我誤臺民，竟携巡撫印乘德商輪船而遁。各軍聞之悉潰散。文魁亦躡景崧後至廈門，圖殺之。寓福陞館，召妓侑觴，既醉而出，以景崧與楊簧軒善，逕往其家，跡之不得。營官印寶昌率兵巡警，遇之詰其姓名，不答，邀往提署，又不肯行。縱兵禽之，皆辟易。某弁素有力，進與鬪，衆又助之。文魁乃被縛，搜其身，則刀鎗俱在。提道會訊，始知爲李文魁也。竟置之法。

仇十洲史湘雲春睡圖

仇十洲工人物，其名雖婦孺皆知之。某骨董肆懸一幅仇十洲史湘雲春睡圖，有賞鑑家甲乙二人過而見之。甲曰：此的是真跡，其用筆非十洲不辦，且題字與圖章無一不絕佳，而縑紙亦非近百年物。乙曰：君言誠然，但佈景散漫，余不能無疑，恐自高手摹本耳。二人津津致辨，忽背後一人大言曰：明朝人畫本朝

小說故事大是奇談。言罷悠然而去。二人面赤不能作一語。繼而徐嘆曰：吾輩賞識乃在牝牡驪黃之外。

彭芸楣考試之趣事

彭芸楣尙書督學浙江。考試至某府。該處文風僻陋。無一卷可入目。有三人抄襲刻文。一人一字不易。二人顛倒其文而抄之。案發其不易一字者第一。餘二人第二。三名羣議先生之未見刻本也。發落時先生召三人謂之曰：汝以髻年所誦習不遺一字。記性却佳。故首拔之。爲勤讀者勸。汝二人巷中脫譌太多。想此調不彈久矣。今後當再加溫習功也。按先生此舉可謂趣甚矣。

羅思舉軼事

羅壯勇思舉。初征白蓮教。後平永州苗。爲嘉道兩朝赫然大將。籍四川之東鄉。少亡賴。數行竊。令捕之。杖斃。棄諸野。中夜而蘇。匍匐至一老嫗家。周之。乃改行。

投身軍營。驍勇冠絕。儕輩遂歷保。至專閫。封子爵。當趙金龍之亂。羅受命與總督盧坤往平之。賊已困將擒矣。時宣宗以尙書宗室禧恩來督軍。未至。諸公議待禧至。羅曰。圍久。師怠。賊必遁。糜帑可惜。遂違衆一戰。殲賊。且盡。禧爲親信重臣。督撫以下皆降。屈爲禮。怒羅之不待也。盛氣陵之。羅不爲屈。且面折之。曰。諸公貴人多顧忌。羅思舉一無賴耳。受國厚恩。惟以死報。不知其他。禧甚怒。而無如之何。羅每對人言生平作賊事不少。諱並請文人歷叙其事。亦一奇男子也。羅改行後。始娶妻。忽患奇疾。百方不治。一道人過門。曰。有方可救。但得錢三千。乃能配藥。羅自念貧窶。安得三十千錢。語其妻曰。吾病且死。汝亦餓死耳。苟鬻汝得錢買藥。則兩活矣。妻不可強之再三。泣而從之。病果瘳。羅旣官游擊。乃遣人訪其妻。以重金贖還。爲夫婦如初。報其鬻身救夫之義也。此事不足訓。然以視少共艱苦。旣貴而厭棄其糟糠者。其厚薄之區。殆不可以道里計。安得以

道學家之律繩之

年大將軍軼事二則

年大將軍羹堯。怙寵。鴟張。目無朝貴。然獨重。同年雍正元年。平青海歸。黃纒紫。騮絕馳。而行王公以下。膝地郊迎。不之顧。史文靖公賚直。獨長揖不拜。將軍望見。大驚。翻駢而下。曰。是吾鐵崖同年耶。扶之上馬。並轡入章益門。彭儀一時傳爲佳話。

將軍軍法極厲。一言甫出。部下必奉令唯謹。嘗輿從出府。值大雪。從官之扶輿而行者。雪片鋪滿手上。幾欲墜。指將軍憐之。下令曰。去手。蓋欲免其僵凍也。從官未會其意。竟各出佩刀自斷其手。血涔涔徧雪地。將軍雖悔。出言之誤。顧已無可補救。其軍令之嚴峻。有如此者。然亦可見其平日性情之狹酷矣。

記崔提督被刺事

崔名大同。咸豐初爲廣東記名提督。會洪楊難發。粵中土匪四應。省會戒嚴。制府檄崔督師東門外。時崔方篆某鎮。奉檄返省。制府授以方略。昇以軍械。乃辭出東城。崔性疎狂。尤豪於飲。日必吸汾酒數斤。醉則據座大罵曰。跳梁小醜。乃足擾吾酒興。耶將校稟事。偶不慎。輒遭笞責。其軍令然也。旣辭制府出。乃告將校。詰朝首途。命弁勇束軍械。先昇出東郭。一將校曰。賊氛甚惡。恐將要截。宜使弁勇執械以備不虞。不宜捆載以往也。崔大怒曰。若輩何知。乃敢亂我軍令。賊果要截。我當奮臂捉之。若輩多備鐵索。佇看縛賊可矣。將校太息而退。翌晨使軍官押械先行。崔則扶醉乘馬十餘。親兵隨其後。旣出東門。崔忽仰天大笑。顧謂從者曰。大好江山。殊足供我憑眺。顧安得有賊乎。復前行。未及一里。忽有數田夫手持鋤。鍤直趨馬前。疾聲曰。賊在前途。要截提督。其鋒甚銳。不可當也。請速回。崔大駭。亟勒馬返。而數田夫忽要其前。舉鋤錘力擊之。崔不及備。親兵以

無軍械。皆潰散。崔遂遇害。死時罵賊猶不絕也。賊去。親兵乃徐集負崔尸而返。各官大驚。馳往驗之。鱗傷百餘處。腦漿迸裂。血涔涔透重衣。死狀慘極。顧以其使酒。懷諫。咎實自取。又未及抵營。視軍不能援死於王事之例。以議卹。故僅由家族備殮而已。其遇害之地。距東城不一里。蓋即溫生財刺殺孚琦處也。抑又巧矣。

白蓮教之初起

乾隆末年。白蓮教初起。蔓延極廣。當劉之協之徒。張正謨。聶人傑輩。聚衆倡亂於枝江縣時。當陽縣令聞變。坐廳事。傳集書役。語之曰。白蓮教已反。賊踞枝江之灌灣。腦與本邑界連。邑中習教者。宜先嚴捕以防內訌。書役齊聲曰。我等即白蓮教也。更誰捕。令拍案怒罵曰。汝輩反乎。曰。反即反耳。何怒爲。令拂袖起。羣役爭先拉殺之。遂據當陽縣城。

豪奢亂齋之不同

虞山縣東五十里有徐市爲前明徐大司空棧聚族處。族大衆多。並擅厚資。相傳其族中一名欽寔者。性最豪奢。嘗於春日市飛金數斛。登塔頂散之。隨風颺去。滿城皆作金色。好事者有春城無處不飛金之咏。又嘗從洞庭山買楊梅數百筐。於雨後置桃源澗。遣人踐踏之。澗水下瀉。其色殷紅如血。遊人爭掬而飲之。一名啓新者。性最亂齋。其書室與竈僅隔一垣。嘗以緡繫脂懸於當竈。而緡之操縱懸於書室中。每菽乳下釜。則執爨者呼曰腐下釜矣。乃以緡放下。纔著釜。聞油爆聲。則又收緡。起恐其過用也。所畜雨具有革履三隻。一留城。一留鄉。一隨身帶之。恐爲人借用也。又嘗以試事至白門。居逆旅月餘。所記日用簿。每日止腐一文。菜一文。同學魏叔子冲見之。爲諧語曰。君不特費紙并費筆墨矣。何不總記云。自某日至某日。每日買腐菜各一文乎。啓新方以爲然。初不知其

謹。已。也。其。可。笑。多。類。此。王。東。淑。柳。南。隨。筆。謂。坊。間。所。刊。之。一。文。錢。傳。奇。卽。其。族。人。所。作。以。誚。啓。新。者。聞。啓。新。與。欽。寔。於。族。誼。爲。昆。季。行。乃。不。爲。墳。篋。之。應。而。爲。參。商。之。乖。其。事。甚。奇。不。特。足。資。談。助。已。也。

惇邸杖劉趕三

劉趕三者京伶中丑角第一人。光緒初禁中演戲。扮思志誠一齣。趕三爲搗母客至。則引吭高叫曰。老五老六老七出來見客呀。蓋都下妓女以排行相呼。而是時惇恭醇三邸皆入坐聽戲。惇行五恭行六醇行七。故以是戲之也。恭邸故脫落喜詼諧。聞之大噱。醇賢親王故恭謹。雖不悅。然以在太后側。未敢言。惇邸夙嚴正。則大怒。叱曰。何物狂奴。敢無禮如此。立叱侍者擒之。下重杖四十。

鮎埼亭外編

謝山先生易簣時。以詩文稿付其弟子董秉純。小純藏弄。手定凡六十卷。其餘

殘篇剩簡幾滿一竹筒小純泣拜而受粘連補綴又彙爲七十卷其中與正集重複及別見於他作者幾十之四擬重刪定以多先生手書不忍塗乙因手自謄寫課徒之隙鈔得三百餘紙船曆驢背挾以俱行竟未竣事小純旋判那池州地僻政簡日課字四千四閱月始卒業卽今所傳鮪琦亭外編也先生沒無後著述三十餘種多賴小純與蔣學鏞盧鎬爲之排比讐正雖書不盡傳而風義足尙矣

北京清涼菴楹聯

北京清涼菴爲庚子拳匪立壇之所亂事後有人仿滇南大觀樓楹聯體爲作一聯云五百石糧儲助來壇裏上名造冊亂紛紛香火無邊看師尊孫臆技演毛遂乚託鴻鈞禮崇楊祖伸拳閉目何嫌大衆譏評趁古刹平台安排些蓆棚草鋪便書符念咒遮蔽那鉛子鋼鋒莫辜負腰纏黃布首裹紅巾背繞赤繩手

持白刃數千人。性命喪在團頭熟睡。濃眠明晃晃。刀槍何用。想焚燬教堂。搜剿民舍。穢污佛地。威嚇官衙。張膽欺心。一任旁觀笑罵。況劫財殺客。值自同瘋狗。貪狼縱作怪興妖。今已化飛禽走獸。只贏得律凡天條。身遭法網。神歸地府。魂赴陰曹。

太后下嫁攝政王之宣示

順治間。太后下嫁攝政王一事。天下多有能言之者。而史冊卒無可攷。金陵某君嘗言。少時在京師。從某巨室讀抄本東華錄。中載此事。尙有一詔書。謄黃宣示天下。其文甚長。當時畏禍。不敢抄錄。久而忘之。僅記其大意。略謂。太后盛年寡居。春花秋月。悄然不怡。朕貴爲天子。以天下養。乃僅能養口體。而不能養志。使聖母以喪偶之故。日在愁煩。抑鬱之中。其何以教天下之孝。皇父攝政王。現在鰥居。其身分容貌。皆爲中國第一等人。太后頗願紆尊下嫁。朕仰體慈衷。敬

謹。遵。行。一。應。典。禮。著。所。司。預。備。云。云。今。刊。本。東。華。錄。皆。無。此。詔。蓋。刪。去。久。矣。順。治。晚。年。出。家。五。台。卽。爲。此。事。某。君。又。言。錢。牧。齋。有。學。集。中。有。賀。表。一。首。亦。指。此。事。故。乾。隆。時。搜。禁。甚。力。非。徒。以。其。訛。謗。而。已。然。近。時。坊。間。所。印。行。牧。齋。集。皆。無。此。篇。而。詩。集。中。有。古。詩。一。首。恹。恍。離。奇。頗。似。隱。指。斯。事。者。則。當。時。確。有。其。事。可。知。已。

汪容甫之誕率

汪容甫少狂放。肄業安定書院。每一山長至。輒挾經史。疑難數事。請質。或不能對。卽大笑出。孫志祖。蔣士銓。皆爲所窘。時僑居揚州者。程晉芳。任大椿。顧九苞。皆以讀書該博。負盛名。容甫衆中語人揚州一府通者三人。不通者三人。通者高郵王念孫。寶應劉台拱。與己是也。不通者。即指程任諸人。適有薦紳家居者。請容甫。月旦容甫大言曰。君不在。不通之列。其人喜過望。容甫徐曰。君再讀三。

十年書可以望不通矣。其諛諧皆類此。

稚存與容甫同肄業揚州書院。一日偕至院門外各跨一石狻猊談徐氏讀禮通攷得失。忽一商人冠服貴倨肩輿訪山長。甫投刺適院中某生趨出足恭揖。商人述連日趨謁狀。商人微頷不答。容甫憤甚潛往拍商人項。大聲曰。汝識我乎。商人遂巡曰。不識。識向之趨揖者乎。曰。亦不識也。曰。我汪先生趨揖者。某先生汝後識之乎。曰。識之矣。曰。汝識之。卽速去。毋溷吾事。商人大懷喪登輿去。夫商人謁山長某生之趨出足恭自取辱也。於石狻猊上談讀禮通攷者。何與講學家聞之。必以容甫爲誕率。然今之講學家一過冠服貴倨之商人。吾甚憾其不誕率也。

阮云臺之考釋鐘鼎

阮文達爲浙江巡撫時。其門生有入都會試者。偶於通州逆旅中購一燒餅充

饑。見其背面斑駁。成文戲以帚。揚之絕似鐘鼎。即寄與文達。僞言某於北通古董肆中見一古鼎。因無資不能購。某亦不知爲何代物。特將銘文拓出。寄請師長與諸人共相考訂。以證其眞贋。文達得書。即集嚴小雅張叔禾諸名士。互相商參。諸人臆爲擬議。皆不同。最後文達乃指爲宜和圖譜中之某鼎。即加跋於後。歷言某字某字。皆與圖譜相合某字。年久銘文剝蝕。某字因揚手不精。故有漫漶。實非贋物。云某門生見之大笑。

明僮小錄序

京師伶界之盛。爲四方所無。蓋日與士大夫親近。其吐屬舉止。自能有名雋氣。非徒侈色藝之工而已。咸豐中有浙人餘不鈞。徒者。著明僮小錄一書。載當時諸伶遺事甚悉。詞筆亦極雅雋。今已無有能舉其名者矣。記其自叙一首云。軟紅十丈。珠温玉暖。之鄉。拾翠三春。蝶醉蜂迷之候。道枇杷之門巷。室盡如蘭。住

楊柳之樓臺。人原似壁入時梳。裏西家返而效顰。絕世丰神。南威望而却步。爾
乃歌場雅集。廣座姍來。染翠黛於樓中。散芳紅於簾外。貌嬋娟之故事。猶在人
間。譜霓舞之新音。自應天上。目招屢屢青眼。伊誰耳語。匆匆黃昏。有約於是。招
邀勝侶。蒼萃良朋。帘影泥人。樓頭遲汝。雙行押字。命鳩鳥以迎來。一笑牽簾。倏
驚鴻之至止。省識廬山真面。裙展風流。爭看虢國脣眉。鉛華淨洗。松醪挹注。無
妨大斗之斟。鞠騰興辭。更屈高軒之過。同車有美。氤氳奉倩。香留隔巷。停驂依
約。秦宮花底。指兒家兮。是處絳蠟迎門。偕姝子以登堂。銀蟾在戶。曲房窈窕。人
窺小有之天。綉楊橫陳。花種長生之地。密密翔鸞之字。補壁書工。疎疎待燕之
簾。臨窗鏡啓。筆牀硯匣。觀涂乙於新詩。綉履香囊。衍秘辛之雜事。數徧檀欒。位
置東鑠。西鷄。謁來萃聚。因緣南鴻。北雁。三蕉戰。拇從看鈎。弋張拳。百萬迴眸。莫
負杯行到手。蘭缸背却。一握情賒。蓮漏催殘。三通鼓徧。緩須臾之命。駕且住爲。

佳聽嘈雜。以呼燈不留也。去是知桃花洞秘。曾無易問之津。山木枝遙。每有聞歌之感。未使琅邪情死。顛倒難忘。奈何溱洧。思空迷離。莫辨僕都門印爪。驛路濡豪。目限窺蠡。腹慚飲鷄。舞衫歌扇。長安之舊雨。無多柳籠花。皎出谷之新雛。自貴聊就見聞所及。粗爲梗概之陳。藉慰牢愁。非矜藻飾。所願花宮月窟。爭傳千佛之名。會看酒國詩壇。更踐三年之約。

謝薊泉之豪宕

謝薊泉侍御。性豪宕。嘗蓄萬金。遨遊江浙間。拋棄殆盡。嘗曰。人生貴適意。耳銀錢常物。何足惜也。嘉慶初。和珅當權時。其奴隸抗縱無禮。無敢忤者。謝巡南城。遇其妾兄某。馳車衝驪。從公立命。擒之杖以巨杖。因焚其轂。人爭快之。王給諫鍾健。希和意。劾罷謝官。管御史世銘笑曰。今日二公有所失。有問之者。答曰。謝公失官。王公失名。失官之患。不過一身。失名之患。至傳千古矣。

年羹堯德不勝威

年羹堯鎮西安時。廣求天下才士。厚養幕中。蔣孝廉衡應聘而往。年甚愛其才。曰。下科狀頭。當屬君也。蓋年聲勢赫耀。諸試官皆不敢違故也。蔣見其自用威福。驕奢已極。因告同舍生曰。年公德不勝威。其禍立至。吾儕不可久居於此。其友不聽。蔣因托疾辭歸。年以千金爲贖。蔣辭不受。減半與之。乃受以歸。未逾時。年以事誅。幕中皆懼。其難年。素奢侈。費用不及五百者。不登諸簿。故蔣辭千而受百者。此也。

北方之渾渾

南方稱市井游手曰流氓。北方稱市井游手曰渾渾。顧流氓以詭詐勝。渾渾以剽悍不畏死勝。渾渾中約有二等。下者爲雞鳴狗盜之流。其次者力則排難解紛。與殺人越貨兼而有之。蓋其氣質有類。戲劇中英雄好漢行逕。求吾心之所

安。不。問。是。非。也。渾。渾。中。有。領。袖。俗。稱。曰。大。哥。大。哥。一。語。咸。視。爲。命。令。無。敢。違。大。哥。行。於。市。間。偶。一。罄。欵。徒。黨。立。集。顧。聞。彼。中。人。言。爲。領。袖。者。殊。無。他。長。但。能。忍。耐。諸。種。苦。痛。任。人。鞭。笞。刺。擊。夷。然。任。受。而。已。渾。渾。勢。力。亦。有。界。限。如。前。門。大。街。及。驢。馬。市。者。爲。最。

紀曉嵐眞勝人一籌

乾。隆。中。每。歲。巡。幸。熱。河。必。於。中。秋。後。一。日。進。哨。卽。木。蘭。圍。場。也。重。陽。前。後。出。哨。蹕。路。所。經。有。所。謂。萬。松。嶺。者。爲。重。九。日。駐。蹕。登。高。之。所。歲。庚。戌。上。駐。此。顧。謂。彭。文。勤。公。令。將。舊。楹。貼。悉。易。新。語。公。構。思。甚。苦。偶。得。句。云。八。十。君。王。處。處。十。八。公。道。旁。介。壽。苦。無。對。因。馳。一。紙。書。屬。紀。文。達。公。成。之。文。達。笑。曰。芸。楣。又。來。考。我。乎。立。就。餘。紙。寫。對。句。云。九。重。天。子。年。年。重。九。節。塞。上。稱。觴。公。得。報。歎。曰。曉。嵐。眞。勝。我。一。籌。矣。

正大光明殿試題

嘉慶中某歲翰詹大考。賦題爲正大光明殿試後有部郎數人小集。偶論及此題之難。而忘其韻脚。方仰首凝思。龔定庵適在座。曰。吾當憶之。乃長林豐草禽獸所居八字耳。

陸稼書之高風亮節

稼書先生清風亮節在人耳目。詳載於阿崇樸所選公行狀。及鈕玉樵觚賸。汪韓門太史有陸公行狀書後一篇。末附二事。狀所未及者。事雖細而公之高風已不可企矣。公將去京師。相國那拉公明珠欲接納。公崑山徐尙書乾學爲訂期。往謁公。諾之。而先期就道人。或咎公失信。公曰。告以不往。見則無以拒。有力者必不免於見矣。又居鄉時。值高學士士奇親喪。訃聞不欲顯。然往弔。乃乘小舟。齋香楮。雜衆賓入拜。拜已徑出。比學士知。亟款留之。而棹已返矣。又聞先生

作宰時嘗作勸盜文。遣吏往獄中誦讀。大略謂一念之差。不安生理。遂做出此等事。來受盡苦楚。然人心無定。只將這心改正。痛悔向日。的不是。如今若得出頭。從新做個好人。依舊可以成家立業等語。一時獄中痛哭失聲。

一技必有師承

康熙時重建太和殿。有老工師梁九者。董將作年七十餘矣。自前明及本朝大內興造。梁皆董其事。一日手製木殿一區。以寸准尺。以尺准丈。不踰數尺許。而四阿重室。規模悉具。殆絕技也。初明之季。京師有工師馮巧者。董造宮殿。自萬厯至崇禎末老矣。九往執役門下。數載終不得其傳。而服事左右不懈。益恭一日九獨侍。巧顧曰。子可教矣。於是盡傳其奧。巧死。九遂隸籍。冬官代執營造之事。一技之必有師承。不妄授受。如此。柳子厚作梓人傳。謂畫宮於堵。盈尺而曲盡其制。計其毫釐而構大廈。無進退焉。殆類是與。


董思白不認己字

華亭董思白未第時。館於平湖馮氏。時平湖有俞君者。書法過文敏。而未知名。後文敏負重望。歸里。馮君携扇面六掩其款。令董自認。董諦視良久。擇其三日。此是我所書也。視之。乃俞君書。相與撫掌。文敏在當時。尙不能自認己書之真。僞。今數百年後。一般賞鑑家。紛紛聚訟曰。此真也。此贗也。此早年也。此晚年也。豈不僨哉。

七額駙

嘉慶時。成德行刺。伺仁宗駕幸圓明園時。猝放一袖箭。一侍衛見箭來。不及禦。輒以身覆御座。箭洞胸而死。是時七額駙在旁。急以兩手抱成德。衆侍衛羣趨持之。遂醢成德。相傳成德武藝。侍衛中無有敵者。或於地中釘短柱一行。成德騰一足埽去。柱皆拔起。七額駙亦能之。然額駙止能埽七柱。而成德可埽至十

二柱云。後駕幸木蘭打圍。羣臣方馳逐。有一熊突至御前。連傷侍衛數人。七額駙向前與熊手搏。良久。爲熊擒去。坐身下。不得脫。額駙急屈右足。竭力跌熊去。仆于山足。糜爛而死。然其足自是跛矣。



棲霞閣野乘卷十

吳枚菴所選國朝人詩

吳枚菴翼鳳所選國朝人詩。近時始有刻本。門戶較沈。選稍宏。大有正集外集。蒙叟梅村諸家皆入外集。蒙叟之姓名則易爲彭。搆字曰六吉。謂爲浙江常山人。屈翁山姓名則易爲翁紹隆。字曰騷餘。謂爲廣西臨桂人。想見當時法網之密。然雖易姓更名而詩仍多膾炙人口之作。姓名既異。遂無人過問者。斯所以爲中國之法禁歟。

記名軍機章京王某

泰州王某者。記名軍機章京。將傳到矣。忽一日呈請回籍。携眷出京。衆皆大愕。不解有知其事者。謂王無意中得罪一人。其人持刀日夜伺於途。將得而甘心焉。故寧棄官歸耳。先是某日。署中派王遞摺件。時王已移居外城。夜半倒趕城。

而入將至東華門矣。忽摸索車中，忘携朝珠。大窘時，已不能出城，往取。因憶有汪某者，住東華門左近，盍往假用之。遂驅車至汪宅。汪已寢，聞王半夜至，披衣起，問何事。王以情告，請借用之。汪沈思曰：我軀體較爾長大，我珠恐不合用。我將內人珠借爾用之可也。匆匆取珠出，卽挂於王項。王戲吟曰：百八牟尼珠一串，歸來猶帶乳花香。汪登時面色大變，怒氣勃勃，返身入內。王亦異之，不俟其送，卽出而登車。甫揚鞭，汪已趕至，手白刃大罵曰：爾糟蹋人太甚，不殺爾誓不。干休。追斫其車尾，急馳不及而免。及事畢，欲遣人還珠，又見汪怒目持刀立門外，以俟。大懼而奔。汪追及大街而返，自是每出必遇汪，挾刃以俟，故決計棄官歸也。後有知者謂汪卽乾隆間某夫人拜梁相爲義父者之曾孫也。王不知其爲汪某之後，誤揭其曾祖之短，宜乎汪某之恨入骨髓也。汪王二名姑諱之。

百文敏軼事二則

百文敏菊溪。總制兩江時。閱兵江西。胡果泉中丞初與之宴。百嚴厲威肅。竟日無言。自中丞以下。莫不震懼。次日再宴。演劇。有優伶頭荷官者。舊在京師。色藝冠倫。爲百所昵。是日承值。百見之色動。顧問。汝非荷官耶。何以至是。年稍長矣。無怪老夫之鬢。蟠也。荷官因跪進。至膝。作埒。其鬚狀曰。太師不老。蓋依院本貂蟬語。百大喜。爲之引滿三爵。曰。爾可謂荷老尙餘擎雨。蓋老夫可謂菊殘。猶有傲霜枝矣。荷官叩謝。是日四座盡歡。核閱營政。亦少舉劾。不知此承值者。適然而然。耶。抑中丞預儲以待。耶。預儲以待。則與江南主之待陶穀。文潞公之待何剡。王鐵之待韓璜等事。絕類。嘉慶丁卯。百以兩粵開府。乞病內用。入都時。或謂之於道次。百蹙然曰。吾以刑部尙書用。漢員爲金蘭畦。光悌。其人張湯。郅都也。吾不與衡如民命。何客曰。昔徑山示童子公案云。汝進一步則死。退一步則亡。作麼。生童子曰。吾旁行一步。何妨。百領之者。再階見時。乃力陳病尙未痊。乞閒。

散自効。遂改總憲。庚午以兩江節鉞底定李家樓漫口。合龍後。至龍王廟行禮。竣僚屬以至卒徒均叩謝且賀。百忽一例遵跪。衆大駭曰。卑職與小的曷敵。百喟然曰。當在壩上時。何所分大人卑職老爺小的也。驚濤一刷。貴賤同流。諸君不顧身命爲朝廷事。皆吾好兄弟好朋友。指帽上紅頂曰。永矢此心。諸公皆可戴耳。王侯將相。寧有種乎。衆均崩角。至有泣不能起者。亦可見其政略之一班矣。

都下消寒會

都下有作消寒會者。以閨怨命題。而限溪西雞齊啼五韻。中嵌一二三四五六七八九十百千萬丈尺諸字。其冠軍一首云。六曲圍屏。九曲溪。尺書五夜寄遼西。銀河七夕秋。填鵲玉枕三更冷。聽雞道路十千腸。欲斷年華二八髮。初齊情波萬丈心。如。一。四。月。山。深。百。舌。啼。

申涵光之抱負

申涵光字和孟。永年人。少抱大志。棄舉子業。肆力於詩。以此知名。嘗謁孫徵君奇逢。執弟子禮。歸來大書於堂曰。眞理學。從五倫做起。大文章。自六經分來。又自題書室曰。學古之志。未衰。每日必擁書。早起。千世之心。久絕無夕。不把酒。高歌。其抱負如此。卒年五十九。所著有聰山詩鈔。

張映璣之雅謔

浙江轉運張映璣。山東人。性寬和。善滑稽。一日出署。有婦人攔輿投呈。則告其夫之寵妾滅妻者也。張作杭語從容對曰。阿奶。我係鹽務官。職並非地方有司。但管人家吃鹽事。不管人家吃醋事也。笑而遣之。可謂雅謔矣。

漕弊

漕政首禁浮收。而浮收之原。由於旗丁之索加幫費。又於沿途公用。及通倉胥

役。催趲員弁。索費於旗丁。故歷屆兌漕。州縣有協濟之歛。積久視爲應得。更思
逐漸加增。以倡率停兌。爲挾制之端。以指勒通關。爲刁難之具。水手出入淮境。
不虎而鼠。首尾帖然。及到江南。則玩易官府。欺凌民船。霸道橫行。莫敢正視。旗
丁之牙爪也。衛官在淮。奉法惟謹。不率則漕督褫其章服而扑之。及到江南。挑
米色促兌期。互爲狼狽。又旗丁之羽翼也。此輩旣託詞多於州縣。州縣亦必藉
口浮取於小民。加五加三。風篩雨耗。蠹書差保。朘削無藝。此在民之害也。州縣
一年支用在此。通省攤捐在此。又奏明彌補。津貼各款。漕米一石。協濟銀三四
錢不等。合計已及數萬。此在官之累也。在顛預之州縣。未必諒百姓之苦。在顛
愚之百姓。亦無由悉州縣之難。下怨上尤。互相詬病。而皆不爲無因。其病民蠹
官。大爲漕害者。則相沿之陋規是已。或田無一畝。包至數十百石。或米無升合。
索費至數十百金。人數多者三四百名。陋規竟至二三萬兩。沿習已久。殊駭聽

聞。

兒女英雄傳

兒女英雄傳說部燕北間人著。全書所記皆俠女何玉鳳事。其人有無必不論。惟據其紀載則玉鳳故大家女也。奉老母。辟地青雲。且隱其名曰十三妹。則以有一功名蓋世炙手可熱之人。陷其父於死。立志不與共戴天也。功名蓋世者爲誰曰紀獻唐也。卽間人所謂天大地大無不大者。然本朝二百六十年中有紀獻唐其人。不乎吾之意以爲紀者。年也。獻者曲禮云。犬名獻。羹唐爲帝。堯年號合之。則年羹堯也。年氏用兵西陲。轉戰萬里。爲本朝勛臣第一。後以跋扈。誅人盡知之矣。其事蹟與本傳所記悉合。故吾謂其書雖傳何玉鳳實則傳年羹堯也。紀獻唐特變幻其字耳。雖然年以罪誅。直書其名。述其事。當不至干犯禁網。何須委曲。乃爾。意者年氏之死。出於同僚誣。讒而非其罪。燕北間人特隱約。

其詞紀之小說以表明之耶不然何玉鳳爲全書主人而開宗明義第一章反叙安驥救父玉鳳正事直至全書將完始行述及何也安氏藉貫惟著者之意所欲云必曰旗人又何也夫阿里嗎一武夫耳且忌之如眼中釘必殺之而後快不以其爲滿人故稍寬假之况年羹堯以漢兒而擁重兵目無餘子者乎燕北間人蓋言之有餘痛矣試稔知博聞者

慈仁寺書攤

京師書攤皆設琉璃廠火神廟謂之廟市攷康熙朝諸公皆稱慈仁寺買書且長年有書攤不似今之廟市僅新春半月也相傳王文簡晚年名益高海內訪先生者率不相值惟於慈仁寺書攤訪之則無不見亦一佳事

馮已蒼爲獄吏所殺

虞邑馮舒字已蒼嘗以議賦役事語觸縣令瞿西達瞿深銜之已蒼集邑中亡

友數十人詩爲懷舊集。自序書太歲丁亥。不列本朝國號年號。又壓卷載顧雲鴻昭君怨詩。有胡兒盡向琵琶醉。不識絃中是漢音之句。卷末載徐鳳自題小像詩。有作得衣裳。誰是主空將歌舞受人憐之句。語涉譏謗。瞿用此下。已蒼于獄。未幾死。蓋屬獄吏殺之也。又聞已蒼在獄中。桔杵而桎。友人往候之。已蒼自顧笑曰。此特馮長作戲耳。蓋已蒼頎然長身。人以馮長呼之。馮長與逢場同音。故云爾。

宋故宮德壽基舊池

高宗第六次南巡。有司於鳳凰山宋故宮址。葺治行宮。掘地爲池。下鍤數尺。適得舊池。欄杆皆白玉琢成。雕鏤精絕。蓋德壽舊基也。池底泥土中。獲鱗魚十餘頭。長巨尺餘而無目。大約埋於地下六七百年之故。工人烹食數尾。頃刻皆暴死。乃懼。舉餘者棄之江。浮至中流。風浪陡作。有大魚數十翼之去。人皆異之。

今此池又沒爲平地。不知何時再得理而出之也。

國初之滿債

順治十六年海寇作亂。蘇郡有駐防兵來守。將軍祖大壽圈封民居以爲駐防之所。號大營兵自婁門至桃花塢寶城橋而止。獨不及後板廠一隅。緣後板廠有李灌溪。曾任前明兵備。時祖爲微員。有事當刑。幕友勸李解救。李適擲色曰。此人有福。當得全紅。一舉而得六紅。遂救之。得免祖故。以此報之也。康熙三年。撫軍韓心康奏請以駐防兵移至京口。去之日。恐兵有變。預與將軍謀。先備船於城外。令兵一時盡行出城。不得停留。一刻違者。斬首蓋當時。民間有借兵銀者。償之無已。名曰滿債。韓深知其意。預令欠戶遠逃。貼撫軍封條於門。兵來索債。見之。舍去。民賴以安。吳人感其德。立祠於虎邱半塘。今韓公祠是也。公撫吳時。年未三十。俗呼爲小韓都堂。

朱鳴虞與趙蝦

康熙初有陽山朱鳴虞者富甲三吳遷居申衙前卽文定公舊宅其左鄰有吳三桂侍衛趙姓者混名趙蝦豪橫無比常與朱鬪富凡優伶之遊朱門者趙必羅致之時屆端陽若輩先赴趙賀節飲酒皆留量趙以銀杯自小至大羅列於前曰諸君將往朱氏吾不强留請各自取杯一飲而去何如諸人各取小者立飲趙令人暗記笑曰此酒是連杯偕送者其播弄人如此朱曾於元宵掛珠燈數十盞於門趙見之愧無以匹命家人碎之朱不敢與較商於雅園顧吏部予咸顧唯唯乃以重幣招三桂婿王永康來讌飲席散遊園置碎燈於側王問曰可惜好珠燈何碎不脩朱曰此左鄰趙蝦所爲因平西之人未敢較也王會意耳語家人連夜逐趙出城另遷一時大快人心鳴虞之子後入翰林常與王往來王居北街拙政園俱先三桂死今申衙前尙有陽山朱衙之名問所謂朱鳴

虞趙蝦之號。竟無有知者。

題壁詩

康熙十八年三藩爲亂。調兵四出。有卒過橫涇。宿關帝廟。題二絕句云。昔爲典兵。司今反在兵列。十載從軍行。太阿混。凡鐵四海。男兒志沙場。得得行深閨。今夜月同此照。凄清此人亦奇士也。

嚴武伯有古義俠風

虞山錢宗伯下世。其族人夙受卵翼者。妄意室中之藏。糾合無賴少年。囂於宗伯愛妾。所謂河東君者之室。詬厲萬端。河東君遂自殺。同縣嚴生武伯。不勝其憤。鳴鼓草檄。以聲厥罪。宗伯之家始安。夫宗伯以前朝魁碩。宗匠儒林。晚節摧頹。至盡喪其數十年談忠說孝之面目。其人誠不足論。第其生前獎借孤寒。陶成後進。一日聲華漸滅。而平日依草附木之輩。遂反唇而肆其訾謗。迄於家室。

漂搖。姬姜。畢命。葛裙。練。較。孤。雛。可。憐。亦。未。始。非。人。情。之。過。薄。河。東。君。一。死。報。主。地。下。老。尙。書。不。知。相。對。作。何。語。若。嚴。生。者。可。不。謂。古。之。義。俠。歟。

成得凌遲處死

成得者。京師中廚役也。被擒後。命諸王大臣。六部九卿會訊。默無一言。但云若事成。則公等所坐之處。卽我坐處也。遂命凌遲處死。其處死時。先立一木椿。將成得縛於椿上。其面前又植二木椿。乃牽其二子至。一年十六歲。一年十四歲。貌皆韶秀。蓋尙在塾中讀書也。至則促令向得叩首。訖。先就刑。得瞑目不視。已乃割得耳鼻。及乳。從左臂魚鱗碎割。再割右臂。以及胸背。初尙刀刀見血。繼則血盡。只黃水而已。割上體竣。忽言曰。快些。言甫畢。廠上走下一官。謂之曰。皇上有旨。令爾多受些罪。得遂瞑目不言。斃割至盡。乃死。

高房山春雲曉靄圖

高房山春雲曉靄圖。載於銷夏錄。乾隆間。蘇州王月軒以四百金得於平湖高氏。有裱工張姓者。以白金五兩買側理紙半張裁爲兩幅。以十金屬翟雲屏臨仿。又以十金屬鄭雪樵摹其款。印用清水浸透。實貼於漆几上。俟其乾。再浸再貼。日二三十次。凡三月而止。復以白芨煎水蒙於畫上。滋其光潤。墨痕已入肌裏。筆意宛似原畫。用綾裝成。綾邊上有烟客江村畫記。以八百金售於畢澗。飛又裝。第二幅携至江西。爲陳中丞所得。價五百金。真本仍在吳門。無人過問。鑑藏家之眼力如此。

王吳二人之絕交

大癡陡壑密林圖。峯巒渾厚。草木華滋。本王奉常物。王石谷借與吳漁山。索之數年。不肯還。漁山語人曰。石谷吾友也。陡壑密林。吾師也。去吾師不如斷吾友。竟絕交。按今之假人書畫而不還者。莫不藉口於漁山矣。

龔定菴軼事

龔定菴爲道光朝一大思想家。所爲文詩皆廉悍偉麗。不立宗派。思想尤淵淵。入微。生平治學頗博雜。惟近時坊刻定菴文集。只六冊。其所自定之二十四卷。本已無地可尋。定菴生平性不羈。善作滿洲語。嗜冶游。晚歲學佛。平居無事。時非訪伎。即訪僧。遇達官貴人。輒加以白眼。生平不善書。以是不能入翰林。旣成貢士。改官部曹。則大悵。乃作干祿新書。以刺執政。凡其女。其媳。其妾。其寵婢。悉令學館閣書。客有言及某翰林者。定必哂曰。今日之翰林。尙猶足道耶。我家婦人。無一不可入翰林者。以其工書法也。生平所得金。皆隨手盡。京師人以怪物目之。夷然不顧也。在京日。所歡甚多。與某貝子。福晉。誼最篤。舊例。凡滿蒙王公貴人。諸內眷。例不許外出。惟每季可游廟一次。游廟有定期。某福晉於游廟時。與定菴遇。旣目成。以蒙語相問答。由是通殷勤。未幾爲某貝子所知。大怒。立偪。

福晉大歸而索定菴於客邸將殺之貝子府中人素受福晉惠偵知其事告定菴定菴子身走至江淮間幾乞食其集中紀行詩有留眷於京單身外出及文集重過揚州記皆此時作也

龔定菴官京曹時得趙飛燕印狂喜賦詩詩載入集中而不詳其緣起及印之形狀李恂伯因謂龔爲人欺昨觀吳石華集中有題此印詩所紀甚詳特錄如下以爲藝林添一故實其序云玉印徑寸厚五分潔白如脂紐作飛燕形文曰僖仔妾趙四字篆以秦璽似獨以鳥跡寓名嘉靖間藏嚴分宜家後歸項墨林又歸錫山華氏及李竹垞家最後爲嘉興文後山所得仁和龔定菴舍人以朱垞所藏宋拓本婁壽碑相易益以朱提五百遂歸龔氏此册乃何夢華所拓也詩云碧海雕搜出漢宮迴環小篆字尤工承恩可似綢繆印親蘸香泥押臂紅不將名字刻蒼華體製依然復內家一自宮門哀燕後可憐孤負玉無瑕黃門

詔記未全。誣小印斜封。記得無回首。故宮應懊悔。再傳重問赫。蹶書錦裏檀。薰
又幾時摩挲。尤物不勝思。煙雲過眼都成錄。轉憶龔家婁壽碑。聞此印後歸潘
德畚方伯。今不知流落何所。按趙氏位僖。仔凡三人。一鈎弋。一宣主。一合德也。
偶見近人筆記。載龔與明善堂主人事。按主人名奕繪。號太素。爲榮恪郡王縣
億之子。封貝勒。著有明善堂集。側福晉者。即太清西林春。著天游閣集者也。太
清姓顧。吳門人才色雙絕。貝勒元配妙華夫人歿後。寵專房。貝勒由散秩大臣。
管宗人府。及御書處。又管武英殿修書處。旋改正白旗漢軍都統。性愛才。座客
常滿。其管宗人府時。龔方爲宗人府主事。常以白事詣邸。中貝勒愛其才。尊爲
上賓。由是得出入府第。與太清通殷勤。時相倡和龔雜詩。中所謂一騎傳箋。朱
邸晚臨風。遞與縞衣人。卽指此事。聞太清好著白衣。故云。太清貌絕美。嘗與
貝勒雪中並轡游西山。作內家妝。披紅斗篷於馬上。撥鐵琵琶。手白如玉。見者

咸謂王嬀重生。又聞貝勒所作詞名西山樵唱。太清詞名東海漁歌。當時特取其對偶云。

頃于某說部中見有龔某外詩一首。此詩舊藏蔣劍人家。後歸王紫銓。蔣與王皆與龔子孝拱相友善。決爲龔作無疑。詩云。未定公。劉馬先宰。鄭伯羊。海棠顛。未已。獅子吼。何狂。楊叛。春天曲。藍橋昨夜霜。微雲纔一抹。佳婿憶秦郎。又題友人扇一絕云。女兒公子各風華。爭羨皇都選婿家。三代以來春數點。二南卷裏有桃花。情辭恂恍。他人斷無此思想。無此筆墨也。

龔以奇才會試舉春官。不得入翰林大恨。因爲干祿新書以諷世。其所著詩亦多諷世之作。如詠詩史。則爲曾賓谷而作也。如小游仙詩。則爲不得軍機章京而發也。龔爲主事時。其叔方爲尙書。一日龔往謁甫就坐。忽闈人報有小門生求見其人。固新入翰林者。龔乃避入耳室中。聞尙書問其人以近作何事。其人

以寫白摺對尙書稱善且告之曰凡考差字跡宜端秀墨跡宜濃厚點畫宜平正則考時未有不入彀者其人方唯唯聽命冀忽鼓掌曰翰林學問原來如是其人惶遽去尙書大怒訶之由是廢往還禮以自絕

定庵以道光十九年四十八乞休二十一年五十歲歿於丹陽其歿也實以暴疾外間頗有異詞初定庵官京曹時常爲明善堂主人上客主人之側福晉西林太清春慕其才頗有曖昧事人謂定庵集中遊仙諸詩及詞中桂殿秋憶瑤姬夢玉人引諸闋恹恍迷離實皆爲此事發也後稍爲主人所覺定庵急引疾歸而卒不免蓋主人陰遣客酖之也或又謂定庵晚年所眷靈簫實別有所私定庵一日往靈簫處適遇其人因語靈簫與之絕簫陽諾之而蹤跡則愈密半歲後定庵一日又見其人從靈簫家中出因懷鳩以往語靈簫其人尙再至者卽以此藥之藥方固出禁中服之不卽死死亦無傷痕可驗也靈簫受藥卽

置酒中以進。定庵飲之歸。即不快。數日遽卒。

定庵子孝拱。爲英人巴夏禮客。導英法兵焚圓明園。世多以爲詬病。然此時民族主義尙未發達於吾國。且孝拱用意固別有在。不得以中行說之流概之。世傳孝拱晚年軼事一則。頗有任俠風。孝拱晚年流寓江表。歲入不豐。而揮霍無異於昔。偶值歲莫。其故人子某以卒歲無資。謁孝拱。謀稱貸。孝拱顰蹙曰。吾亦處窘。鄉愛莫能助。奈何。雖然。子已到此。不可不盡地主之誼也。次日卽開筵大宴。且召梨園兩部。燈火氍毹。訖盡始罷。故人子私詢龔氏僕。昨日之宴所費幾何。對曰。二百餘金也。故人子私念吾僅貸百金。而不之許。而張筵演劇。費乃若此。但分其半以與我。吾事濟矣。因見孝拱。微以言諷之。孝拱詫問。汝欲貸幾何。答曰。百金足矣。孝拱怒叱曰。吾與汝父交契數十年。有無常相通。未嘗有千金下者。今汝乃以百金之細。來向我稱貸。辱乃父。且污我矣。亟呼僕至曰。速封

二百金付某。少爺令其速去。毋溷我也。故人子出不意。喜甚。再拜辭歸。孝棋竟弗顧。

龔定庵嘗詈其叔不通。父爲半通。定庵子孝棋。喜改定庵文稿。每置定菴本主於案。凡改一句一字。則以竹杖擊本主曰。某句不通。某字不妥。若爲我父。故爲改易。不敢欺飾後人也。人傳孝洪於英夷燒圓明園事。爲之謀主。海內羣指爲漢奸。豈知當時英人欲逕攻京城。孝棋力止之。言圓明園珍物山積。中國精華之所萃。毀此亦可以償所忿矣。是保全都城。孝棋與有功焉。

孝棋平生於公羊學最深。著述甚多。不自收拾。爲人豪放。不修邊幅。恃才傲物。世人以此忌之。晚年家日益落。鬻其先人金石書畫殆盡。李合肥愛其才。月依二百金以糊口焉。

方孝棋客上海時。英人威妥瑪延之入幕府。先是月餽數百金。後禮贈日減。孝

棋境益窘。所寵二姬。竟先後求去。人有言孝棋以其女爲威妥瑪妾。孝棋雖行薄。亦不至此。忌者之口可畏也。

半倫傳

龔半倫。仁和人。初名公襄。字孝棋。繼更名曰刷刺。曰橙。曰太息。曰小定。曰昌匏。晚號半倫。半倫者言其無君臣父子夫婦昆弟朋友而尙愛一妾故云。曰半倫爲闍齋方伯孫。定菴先生長子。生於上海道署中。先是携李三塔寺未建時。其前有潭。廣畝許。土人言其下爲亂穴。曩有高僧過其前。結壇。潭側誦經。三晝夜。龍現於夢。乞恩。僧曰。汝能使潭水立涸。得建寺基。卽舍汝。龍領首去。明日潭果無水。因卽其地。建三塔寺。定菴中年乏嗣。其夫婦皆好佛。乃詣寺求子。夫人入門。恍見一龍首人。身者撲其身。驚而返。歸卽有妊。將產之夕。定菴適旅京。夢一龍入室。越日得家書。適於是日獲一子。知非凡品。初墮地。啼聲甚宏。有薄膜蒙

其面剝之面目乃見（以上本王韜筆記所述王與龔爲至交知其家世甚詳語雖無徵姑存其說）定菴少好藏書富甲江浙多四庫未收本半倫幼好學天姿絕人於藏書無所不窺爲學浩博無涯涘旣長隨定菴入都兼識滿洲蒙古唐古忒文字日與色目人游彎弓射馬居然一胡兒矣嘗入粟一應京兆試不售則大悲由是棄舉子業居京師日與靈石楊墨林善楊素豪富愛其才所以奉之者無不至日揮千金無吝色楊死半倫失所恃又性冷僻寡言語儔人廣衆中一坐即去顧好爲狎邪游中年益寥落至以賣書爲活旅居滬上與粵人曾寄圃稔是時英使威妥瑪方立招賢館於上海延四方知名之士佐幕府曾以半倫薦威與語大悅之旅滬西人由是呼半倫爲龔先生而不名凡半倫所至輒飭捕者護衛之月致萬金爲脩脯庚申之役英以師船入都焚圓明園半倫實同往單騎先入取金玉重器以歸坐是益爲人詬病曾國藩督兩江聞

民國二年拾月二十日出版



棲霞閣野乘

上二册定價洋四角

編輯者 孫靜菴

發行所 中華圖書館

上海北泥城橋四

印刷者 中華圖書館

電話一三三三

上海棋盤街中

發行所 中華圖書館

電話二四五九

代售處 各省大本書坊

857.1/366

中央圖書館印